

竹葉舟傳奇



竹葉舟
傳奇

古本戲曲叢刊二集

古本戲曲叢刊二集

一百二十冊

【非賣品】

編輯者：古本戲曲叢刊編刊委員會

印刷者：商務印書館上海印刷廠

出版日期：一九五五年七月

印數：五百四十部

古本戲曲叢刊編刊委
員會據長樂鄭氏藏鈔
本影印原書葉心高二
十二公分寬十五公分

竹葉舟傳奇目次

卷上

迷概

漁樵

畫牆

幻舟

厚報

步塵

引薦

收秀

宮畔

訪珠

驛娶

操演

黨聚

園宴

卷下

闖寶

救琨

鬪寶

竹林

珠泣

遺索

拒索

篡位

謀洩

墮樓

乞代

戒酒

市曹

歸舟

証果

卷五

竹葉丹對音目次

竹葉舟傳奇卷上

吳縣畢萬侯晉卿撰

第一折 述概

浣溪沙（末上）長日酣眠醉甕頭。不知烏兔幾春秋。獨將班管寫
牢愁。謝却簪纓迴世俗。自將檀板協歌謳。新詞吟罷水雲流。
鳳凰台上憶吹簫。石子漁人。法堂散步。閒觀壁上波濤。遇禪師
指引。海藏游遨。堪羨一朝榮貴。綠珠女。百媚千嬌。因救俠。激成
鬪寶。觸怒權豪。當朝。奸雄篡位。恨孫秀。陰唆。索取嬌嬈。奈一
時峻拒。禍種根苗。謀起義師討逆。消息漏。棄市哀號。尋歸棹。功
成正果。極樂逍遙。

第二折

漁樵

望遠行(生上)烟蓑雨笠冷浸一江春水笑出沒風濤曲岸深潭
無忌漫誇紅鯉登盤幾見銀鱗切膾盼不到長安名利。

細雨斜風不肯休。一絲牽動海天愁。霜清篷底人吹笛。夜靜
江邊月滿舟。驚畫鷁。狎沙鷗。幾聲長嘯滿滄洲。得魚沽酒惟
堪飲。醉卧蘆花雪枕頭。自家姓名名崇。字季倫。渤海南皮人
也。先君仲容公。官拜揚州都督。臨終時分給家資。獨我分毫
不授。道此兒日後自然富貴。不須分用家人生產。難道我石
季倫。先人產業。一些也消受不起。竟會無端富貴不成。因此
貧窶異常。清寒度日。流落東荆。浪迹湖山。未有家室。自甘凍

餒。勉靠打魚為活。略作生涯。多少是好。正是數盡寒絲一竿竹。鷗鄰魚社作新知。釣魚介

桂枝香。烟波生計。綸竿微利。敢望他渭水鷹揚。聊學那富春高義。想滄浪濯足。想滄浪濯足。絕人逃世。優游卒歲。這釣魚磯。未得成高隱。堪為暫適棲。

想如今晉室凌夷。權臣日盛。天下之事。正未可知。倒不如我漁人。無愁無累。逍遙自在也。想今日呵。

前腔。中原多事。朝綱不治。漸隳來典午雄模。怎見得昇平盛世。我無官無責。我無官無責。一竿長寄。嘯歌隨意且忘機。獨坐灘頭畔。垂綸對夕暉。

不是路。(小生樵夫上)小生翠岫雲迷。落葉瀟瀟繞澗飛。涼颼起。踏歌林外景霏微。(見生介)呀。看他釣寒漪。草衣荷笠兼芒履。鷺鄉中一釣垂。漁翁請了。欣投契。青山綠水非迢遞。迴隔人世。

(生)請問樵夫。伐木山中。那得工夫到此。(小生)老漢采樵辛苦。信步行吟。不想遇見你漁人。正所謂雲水知己也。(生)就此釣灘暫坐如何。(小生)請問漁夫上姓。(生)姓石名崇字季倫。樵夫高姓。(小生)老漢姓王名質字高尚。爾我世外閒人。無心會合。何不將兩人情景各述一番。(生)言之有理。樵夫請。(小生)漁夫請。(生)占了。

長拍紅蓼灘頭。紅蓼灘頭。白蘋岸側。輕櫓水雲搖曳。江天日暮。
秋風蕭索。聽歌聲。欸乃清溪。青笠綠蓑衣。恁野塘深處。浪花風
細。倦釣夢中堪。鼓枻。抵多少。西塞山前白鷺飛。嗜盡了。鱖魚滋
味。到菱歌唱罷。醉卧苔磯。

小生你漁夫看此景致。真快樂也。(生)請把山中好景也道一
番。

(短拍)小生縹緲峰巒。縹緲峰巒。潺湲澗水。買青山無是無非。鶴
唳與猿啼。亂不得我采樵人意。滿地白雲未埽。却不道人過訪
簞門稀。

天色已晚。就此告別。(生)樵夫尊居何處。明日好來相訪。(小生)

這山下白雲深處。便是我家。明日相約漁夫到彼。老漢賣柴沽酒。與你暢叙何如。(生)怎好相擾。(小生)專候了。

(尾)吞漁樵江上投聲氣。笑殺那爭名奪利。且與你一醉消愁萬古期。(下)

第三折 畫墻

付小僧上香台寂寂畫沉沉。古柏千尋覆碧陰。法鳥似依珠蓋下。天龍常護寶幡臨。小僧本空。乃沃洲山道林支大禪師手下之行者。俺師父參禪悟道。法力無邊。身隱空山。心存濟世。前日命我法堂起建高墻一座。不敢違命。今已造完。只是未知何故。要建此墻。想禪機玄妙。後來必有一段因果也。正

是錫分阿耨池中水。鉢覆頭陀石上雲。道猶未了。師父早登法座也。(衆扮小僧引外上)

(北點絳唇)頂禮空王。塵心攝向蒲團上。苦海慈航。彼岸回頭望。秋錫飛身到赤霞。石橋閒坐演三車。一聲野鶴山濤起。白晝天風送寶花。自家支遁。法號道林。西晉名僧。南宗巨擘。自入空門以來。愛此刻東。沃洲福地。卓錫山中。自滅垢累。皈依妙相。略悟無生。真好清淨也。

(混江龍)消除孽障。安禪待把毒龍降。拴住了心猿意馬。擺脫了利鎖名韉。覷破了陽焰空花。如夢幻。肯向那電光石火。苦奔忙。閒中打算靜裡思想。黃金得意。白骨悲傷。英雄豪傑等閒人。功

名富貴浮雲樣。怎似俺禪心沾絮。一任他上下風狂。

(侍)那些箇浮世界。怎能盡成佛道。

(油葫蘆)外。剗火延燒壞宅旁。險些墜輪迴。向六道往。誰到得瞿塘。拋却轉輪王。總不如緣身一衲繩床上。須有日靈根解悟蓮花藏。我想衆生造孽。何日是了。好一似蠢飛蛾。很撲燈。莽游蜂。飛上網。(侍)苦海茫茫。好生煩惱也。(外)恁三千煩惱多磨障。怎得個一霎裡到清涼。

(侍)衆等愚迷。願求指引。

(天下樂)外。說法何須現廣長。思也麼量般若航。那知道換火添香。是道場。似孤雲出岫。閒笑拈花示衆忙。這的是三乘心印廣。

(侍)諦聽言詮。猶如夢醒。好生歡喜也。前日領法旨。起建高牆一座。今已造完。請師父觀看者。(外)看介。好一座高牆也。

(那)咤令。屹冲霄粉牆。閃騰騰耀太陽。堅牢似法力強。勢巍巍未可量。晶瑩比舍利光。煥焄焄百仞長。待誰來畫壁。參說甚的羹。牆望。又何須入室升堂。

(付)這等潔白高牆。免不得圖畫些佛門故事。(外)你道應該畫些甚麼。試說與俺聽者。(付)釋迦降生。摩登夫人剖右脇遺像。可好。

(鵲)踏枝。(外)俺不畫妙相寶輪王。剖脇誕西方。(付)善才參觀音罷。(外)也不畫童子來參。(侍)五百尊羅漢可好。(外)又不畫羅漢分行。

(侍)達摩渡江如何。(外)總不畫折蘆波浪。(侍)胡亂畫幾尊金剛罷。

(外)又須穢迹金剛。(侍)畢竟要畫的甚麼。(外)取筆硯來。待我自家

圖畫便了。(侍)師父自家圖畫。妙妙。待我磨起墨來。(外)作畫介。

(寄生草)(外)喜得俺精誠爽。湊得這筆硯良。俺待借筆端潑墨千

層浪。(侍)一派都是水。(外)此乃海波也。俺畫的波濤洶湧滔天樣。

崩騰決瀉驚眸望。白茫茫三山隱約怎追尋。亂滾滾六鰲縹渺

難形狀。

(侍)海水果然畫得好。怎麼不畫些人物。(外)此乃禪機。汝等馬

能解悟。

(煞尾)你道這洪濤一萬層。波浪三千丈。那識禪機奧廣。日後自

有一場因果。但今朝下筆不尋常。到頭來果報端詳。俺只要喚醒人間癡夢。故特借此點撥一番。歎情場多少勞攘。一個個貪癡不可量。借那畫裡行藏。勘破紅塵形狀。莫看做閒揮戲墨洒琳琅。(同下)

第四折 幻舟

(醉扶歸) (生小生同上) 清泉白石烟霞境。一路裡空山綠水少人行。你看一徑松花野猿鳴。又何處數聲隱隱雲中磬。(小生前面沃洲山。乃道林支大法師卓錫之所。香烟極盛。我同你觀看一番。) (生甚好。請) (合) 名山卓錫有高僧。共往禮旃檀盛。

(生) 果然好景致也。(小生) 你從未到此。少不得游玩片時。老漢

尚有松柴一担。在於山中。趁此夕陽。待我挑回家裡。再來與你閒步如何。(生)這等在此相候便了。(小生)不久就來。慣住山中。知鹿性。素行樹下。識禽言。(下)(生)呀。你看風翻貝葉。香護珠衣。百鳥銜花。天人送供。委實奇觀也。咦。這一座大高牆。却畫着千層巨浪。却是為何。

(二)郎神。波千頃。勢汪洋。恁掀天不定。巨浪洪濤。驚視聽。只少個搏風勁翅。扶搖九萬鵬程。(外)暗上聽介。(生)歎介。我石崇這幾年呵。四壁蕭然。餘子影。天公也安排久等。泪盈盈。縱乘風怕一腔憤恨難平。

(外)這漁人。怎不去掉艇烟波。到此法堂何幹。

前腔聞聽。徘徊道側。漁人行徑。怎不去一棹烟波迷釣艇。到法堂玩賞。言言慨歎分明。(生見介)不知師父到來。多多有罪了。(外)好說你講的話。我都聽見了。你莫非癡想人間富貴麼。(生)富貴人人所欲。豈云癡想。(外)又道富貴榮華人世境。怪不得癡人爭競。好完成這段姻緣。便借他指點前程。

善哉。今日有緣相遇。就借此人大顯一場因果。點撥世人。有何不可。你聽我道來。

(黃鶯兒)你孤寡苦伶仃。受迤邐。誰慣經。却不道榮枯得失皆前定。顛危可矜。豪華怎憑。你若果真要求富貴呵。從教佇看繁華境。位簪纓。鐵山金穴。閱閱世崢嶸。

(向地指竹葉介)此是何物。(生)是一片竹葉兒。(外)你可站此竹葉之上。管教你富貴榮華。一生享用不盡。(生)站此竹葉之上。富貴榮華。享用不盡。我就站去了。(作站竹葉上就睡地介)(外)只是一件。古人云。器滿則欹。月盈則虧。你須急流勇退。方能明哲保身。倘若不聽我言。只怕下場頭不好些兒。你看彤雲密布。風浪將起。正好開船也。(外急下)(內作風浪聲驚醒生介)(生)呀。看此洪濤巨浪。好怕人也。

(於旗御竹)我心危懼。胆戰驚笑。扁舟一葉輕。飄飄逐浪終無定。天涯從此人孤另。浪濤聲。魂飛魄絕。死裡怎逃生。

且喜風浪稍平。驚魂少定。恰好舟中有個魚網在此。我生平

專靠打魚。就將此網試。試豈非天與其便。撒網介
貓兒墜乘流鼓枻。水面好排罾。百尺鮮鱗頃刻登。何須香餌釣
長鯨。難憑這鱸膾秋風。豈勝侯鯖。

起網驚介呀且喜捕得一尾金色鯉魚。可值幾貫錢。我石崇
好造化也。且住。我聞鯉魚能躍龍門。況是金色。必屬焦尾一
類。且聞楊寶飼雀。隋侯救蛇。或銜明月之珠。或獻玉環之寶。
我不免將此魚放去。少積陰功。有何不可。放介呀。

尾看他搖頭擺尾。從其性。一逝悠然減影形。且喜舟中。又有蘭
槳在此。且慢慢划到沙渚邊去。且把蘭槳輕拏划釣艇。下

第五折 厚報

六么令小生扮龍太子上。吁吁一氣。胆戰心驚。魄散魂飛。死中
得活。免灾危。自家龍宮三太子是也。偶變金色鯉魚。遨遊大海。
誤投魚網。險些兒一命難逃。幸得漁人一念之間。放吾回來。好
不嚇殺人也。不免速歸。報與父王知道。尋歸路。乍昏迷。忙回宮
院陳顛沛。忙回宮院陳顛沛。(下)

傳言玉女末扮龍王眾扮將隨上。末會合風雷。四海五湖聲勢。
小旦娘娘上。享水府榮華富貴。

(見介)末帶火移星陸。騰雲出鼎湖。小旦欣逢聖明日。庭闕正
晨趨。末寡人東海龍王是也。眼作昏明。氣為寒暑。蜿蜒天矯。
甯為掉尾樊川。變化屈伸。豈是埋頭渭水。啣燭以照幽都。總

是恪遵紀律。負圖而獻東洛。還云創啟文明。這也不在話下。只是三太子出游大海。三日不歸。好生放心不下。小旦早晚想必就回。大王不必挂慮。小生上蜜蜂飛過蛛蜘蛛網。總不傷生也吃驚。進見介末我兒回來了。為何去了多時。小生啟奏父王知道。孩兒偶變金色鯉魚。遨游大海。誤投魚網。險些一命難逃。幸得漁人一念之間。放兒回來。得見父王娘娘之面。末漁人放我孩兒回來。恩德難忘。如今漁人何在。小生現乘扁舟一葉。浮於大海。末叫將校。速巡大海。尋取漁人。脫去蓑笠。換上衣襟。召來相見。衆應下小旦且喜骨肉團圓。分付安排筵宴。與大王進萬年之觴。送酒介末小旦

(畫眉序)琥珀泛琉璃。水殿雲廊隔塵世。喜河清海晏。浪寢鯨鯢。
綺筵上會列金盤。湘簾外風生瑤砌。(合)鸞笙象管仙韶沸。酌酹
水精宮裡。

(前腔)(小生)渤海偶遊戲。誤踏牢籠險遭厄。幸網開一面。大放慈
悲。慶團圓父子重逢。傳杯盞家庭燕喜。(合前)

(襍領生)上水府迎佳客。凌波效水仙。(生)請問二位。此是何地。
宮殿巍峩。又着我更換衣襟。要見何人。(襍)此乃龍宮地也。龍
王三太子。偶變金色鯉魚。遨游大海。不想被你獲着。蒙君釋
放之恩。故此召你相見。(生)原來如此。(襍)住着。啟大王。漁人領
到。(末)宣進來。(生)臣渤海漁人石崇。朝見大王夫人。願大王夫

人。萬壽無疆。末救我孩兒。就是你麼。請起作揖。生起見介。小旦還該賜宴。以酬大德。末分付添宴殿旁。孩兒把盞定席介。
三段子末等。遭逢數奇。荷深恩脫離禍危。重泉旋回。免教人灾
囚橫罹。瓊酥玉液奇珍味。繁弦急管闐鼓吹。休忘了洞府壺天
真福地。

小旦漁人活命之恩。還該多將金寶相贈。纔是。末夫人言之
有理。叫將校。二襍應介。

下小樓。末與我裝滿羊脂龜背。夜光珠。分水犀。琉璃翡翠盡珍
奇。更與蠻珠夷貝。加珊瑚幾樹高底。

二襍下。生得侍華筵。復叨珍賜。捐軀難報。沒齒不忘。小旦老

身後宮。還有至寶相贈。宮女取來。送過去。(生)請問夫人。此寶何名。(小旦)此乃寶母石也。賈胡常以千萬購之。每月望日。國母出海設壇致祭。則明珠寶貝。自然來聚。故云寶母石也。(生)此乃希世奇珍。何以敢當。(末)知恩報恩。理所當然。請收了。(生)多謝大王夫人。就此拜別。(末)將校好生護送。(襍)出共行介。

(雙聲子)(生)襍蒙遭際。蒙遭際。到海藏龍宮裡。酬恩義。酬恩義。獲

異寶奇珍美。得厚利。喜非細。向繁華好夢。一場得意。

(生)下末就此回宮。

(尾)花燈簇擁鳴環佩。氤氳幾陣麝蘭迷。好把那鳳輦龍車緩緩

移。(齊)下

第六折 步塵

探春令（老旦上）綠楊枝上曉啼鶯。正艷陽天景。被東風吹入紗窗冷。恰喚起嬌慵醒。

點點紅香風際飄。賣花時節聽錫簫。閨中有女顏如玉。斜插花枝。驪翠翹。老身堵氏。幼適梁門。白洲人也。夫主早亡。止遺一女。名喚綠珠。年方三五。黃金不惜教琵琶。國色無雙。明月可能留寶曆。青蛾皓齒。歌翻白苧新詞。弱體纖腰。舞按紅牙小隊。可憐綠鬢多愁。常做個捧心西子。只恐紅顏薄命。難免作馬上明妃。正是蝴蝶意閒隨夢去。鴛鴦情熱奈春何。綠珠兒那里。

臨江仙旦上繡戶春寒香醒。畫簾低護雲屏。鏡台初拭黛痕青。

檀心微着暈。蓮步乍移輕。

見介老兒呵。看你梨花粉面。楊柳纖腰。正宜買醉追歡。嬌歌艷舞。你却鎮日怨劇愁多。慵歡懶笑。我做娘的一把年紀。止生得你一人。指望終身靠老。你却終日長吁短歎。叫我如何是好。旦咳。母親。你道蜂黃蝶粉。但宜買笑追歡。誰知玉減香消。未免啼紅怨綠。正是迴身自約青鸞尾。不許旁人看斷腸。

繡太平春來病。空餘瘦影。韶光轉眼傷情。老你新習的曲兒不

要忘了。旦無心歌曲瓏玲。老舞態也溫習一番。旦何求舞袖輕。

盈。老娉婷。秦樓一派鳳簫聲。却何苦自嗟薄命。兩眉感損。笑啼

紅怨綠女郎癡性。

解三醒小旦丑同上合拾翠尋芳來曲徑。蜂喧蝶嚷難憑。小旦

奴家祝氏。小字明珠。付奴家董氏。小字黃珠。小旦我兩人俱是

白州雙角山前。小人家兒女。這兩日不曾看得梁家綠珠妹子。

特往走一遭。丑有理。合温香軟玉來相問。襪小鞋弓不慣行。此

間已是開門。老那個來了。兩個嬌鶯聲宛轉。乳燕雙雙舞態輕。

各見介合鞦韆影。閒尋戲耍。為熱春晴。

旦多蒙姐姐們。時常賜顧。心感不忘。小旦我們特來看妹子

新學那步香塵妙技。旦初學未精。小旦一定要請教。略把脚

尖蹠一蹠兒。試試興也就罷了。老我兒二位姐姐特地到來。

便試試何妨。待我取沉檀香屑來。(旦既二位姐姐相強不
過。只得獻醜。老上)沉香屑在此。(作篩黏上介)旦步介
(大節高)旦移蓮步。款款輕輕。任香塵下動情。(丑噴妹子那雙小
凌波好像虛空行走一般。老)虧他一塵不動。(小旦所謂細骨輕
肌也。旦)行來不耐懨懨病。(象)清柔性。軟款情。嬌羞稱。佳人窈窕
偏孤另。粉容憔悴菱花鏡。異日知他阿誰邊。黃金白壁猶難聘。
(丑)閃開。奴家也來步一步。(作亂奔介)小旦香塵都亂了。(丑)這
叫做嫦娥奔入廣寒宮。(旦)氣喘介。老)阿呀。我兒如何這般氣
喘。
(東甌蓮)身嬌怯。足伶仃。虧殺香塵款步行。吁吁嬌喘渾難定。小

旦丑占盡了紅裙勝。館娃歌舞浪傳名。旦敢覷那浣花溪美人
行。一笑便傾城。

小旦丑就此告別。老再請少坐。合

尾笑語喧。天將暝。春風有人再推評。只恐杏雨梨雲夢未成。

小旦丑下老待我收了香塵兒進去。下

第七折 引荐

卜算子付貴謚上名譽握朝權。出入黃金殿。中宮懿旨我能旋。
機巧誰能辦。

袍袖低垂拂御烟。生平豪氣直冲天。時人莫羨簪纓美。晉室
吾堪獨擅權。下官秘書監賈謚是也。先朝宰相賈充之子。當

今帝后之兄。忝列椒房之戚。世際簪纓之美。這也不在話下。向者渤海石崇。乃石包之子。父有平賊之功。尚未廢襲。他昨日餽送若干貲禮。又進皇后許多寶物。欲圖世襲。已曾奏過聖上。蒙旨許廕官職。欽差交趾採訪。待他來時。與他說知便了。

生查子生上滿載上長安。厚賂知交官。登龍自有程。莫歎蓬蒿賤。

自家石崇。多蒙龍宮贈寶。驟致富厚。欲圖求官。特到長安來。覓得宮中門徑。今日且往打探一番。來此已是。傳帖襍上應介有人麼。院上是那個。襍石相公拜。院稟介付道有請。見介

(付)蒙賜奇珍。何以克當。(生)薄意微微。何足挂齒。(生前日所託。可能得進否。(付)恭喜賀喜。准襲世爵。欽差交趾採訪。勅書已下。候憑榮行便了。(生)多感提攜。難酬知遇。(付)說那里話。此去呵。

(大)逐鼓。欽差非等閑。交趾天使。驛路相傳。海南地僻。雖荒遠。產
生多寶。是天然。此去榮行。將來擢遷。

(前)腔(生)再拜荷殊遷。不才自愧。重任難肩。蒙君推轂。恩非淺。須
當俯首效銜環。(付)些小微勞。休言報還。

(生)告辭了。(付)許久不晤。何乃遽而就別。(生)還有小事。改日再
來請教。(付)知交話。別太息。息。頭角崢嶸。喜氣濃。(生)今日得君

提拔處。猶如久旱遇蛟龍。各下

第八折 收秀

〔普賢歌〕丑孫秀上脅肩諂笑度昏朝。附勢趨炎慣使刁。東家呵
卵脬。西家趁脚踐。反面無情如狗咬。

區區姓孫名秀。表字彥才不謬。瑯琊是我家鄉。自小龍陽粗
陋。只因長却鬚鬚。漸覺面皮黃皺。農工商賈未知。三教九流
不就。一身無室無家。半世不稂不莠。饑時餓斷脊筋。寒到牙
關緊鬪。况兼素心奸頑。負義忘恩偏驟。因此流落京師。未得
機緣偶輾。誰人令我饑寒。甘作驢前馬後。若還再要奉承。情
願掇臀捧鼻。閒話少說。渤海石崇。一朝富貴。搬運來京。聞得

他訪用門下之人。不免捱副嘴臉。到彼門上。倘若肯收用。我的衣食自裕。豈不是好說話之間。已到他門首。門上有人麼。
末上是那個。
丑是學生。
末足下何來。
丑學生名喚孫秀。瑯瑯人也。
末到此何幹。
丑聞知石老爺收用門下之人。特來拜見。
末請問先生有何本事。
丑不敢欺。頗知技藝。薄有才能。為人件件在行。作事聰明伶俐。只因貧苦。難度光陰。不揣自量。願求荐引。後當圖報。
末我老爺正在用人之際。老爺極聽我說話。待等出堂。與你通報便了。

劍器令（生冠帶上）漁隱久蓬飄。這際遇人間絕少。

皇都春色勝他鄉。三月韶華正艷陽。鶯谷柳聲清晝永。燕巢

花落紫泥香。下官石崇。自得龍宮之寶。滿載到京。幸虧賈兄
舉荐。便得高官。欽差交趾採訪。勅書已下。不日馳驛而往。好
不熱鬧。真個金章紫綬。白簡朱衣。往來都是貴戚皇孫。相與
盡皆公卿將相。這也不在話下。每日官府拜賀。不得空閒。前
日分付院子。欲覓一門下之人。未知有否。末稟介稟爺有一
人名喚孫秀。頗知技藝。儘有才能。願投老爺門下。生請進來。
丑進見介老爺台坐。門下這里叩見。生何須如此。丑必竟要
拜。拜介生請問先生有何技藝。略道其詳。丑聽稟。

皂羅袍自小為人識竅。更溫存幫襯。上下和調。酒杯棋局會推
敲。歌頭曲尾尤稱妙。專工骨董。周秦兩朝。有名蔑片。公卿見招。

若得老爺收用呵。須當結草銜環報。

(生)孫先生。

(前腔)凡事須存公道。莫輕佻刻薄。另起波濤。忠心赤胆。免人嘲。辛勤任事。休推調。人前背後。切莫絮叨。吉凶禍福。堅持舵牢。你若在我門下。只教你兒孫世世恩波浩。

(末)啟爺。人馬齊備。請老爺起馬。(生)就此起程。(眾)儀從上。(生)眾繞行介。

(晋)天樂(合)海南行。銜恩詔。採訪使。官名號。耀旌旂。一隊星馳。嚴鹵簿。馬騰驕。看皇華載道。程途景物饒。一路花迎劍佩。日射旌旄。(齊)下。

第九折 宮衅

燕歸梁 小旦賈后上 雲鎖昭陽日影重。敲玉佩響丁咚。蛾眉善妒古今同。權掌握在深宮。

南風吹斷采蓮歌。夜雨新添太液波。漢主離宮三十六。不知何處月明多。妾乃晉惠皇帝賈后是也。本係賈充之弱女。難為衛瓘之佳兒。賴得郭氏宣親。厚賂武陽皇后。兼餽荀覲。太傅。進京啟奏。朝端冊我為妃。致有今日。怎奈秉性凶殘。立心妒忌。近來一事。頗亂人懷。皇上私幸宮女謝玖。身已懷孕。倘生太子。必然奪吾寵愛。為此心中憂悶。已傳密旨。宣召趙王倫。齊王囧二人。到來商議。待他來時。便知分曉。淨趙王末齊

王同上

破陣子淨系出天潢的派。躬承寶玉分封。末葛藟無傷歌棣萼。帶礪難忘話剪桐。合河山鐵券同。

淨孤乃趙王倫是也。末孤乃齊王罔是也。合同為帝室宗潢。共作皇家屏翰。適蒙中宮娘娘。召入昭陽議事。就此進見。淨臣趙王倫見駕。末臣齊王罔見駕。願娘娘千歲。小旦二王平身。淨末臣蒙娘娘宣召。未知有何懿旨。小旦聽我道來。

傾杯玉芙蓉鳳閣龍樓聽曉鐘。驚起鴛鴦夢。淨末聖上三宮六院。那能留住一宮。小旦此輩呵。不過奉帚長門。緣何做燕乳鶯

嬌。蝶戀蜂勾。鳳舞鸞囀。淨末那個宮人得了君王之寵麼。小旦

才人謝玖呵。鸞衾夜與君王共。鴛帳朝來寶髻鬆。心如刺。轉思量。怒冲。怎教他香消粉謝褪殘紅。

〔淨末〕娘娘原來為此。心下憂煎。〔淨〕微臣看來。一些不難。

〔刷〕子帶芙蓉月轉未央宮。正金猊篆冷。疎影簾櫳。聽玉殿蓮籌。越覺慘綠愁紅。難容。宮嬪們遭逢恩寵。思量起愁根誰種。臣有一計。倒也乾淨。尋些閒空。恁嬌香一朝血濺芙蓉。

〔小旦〕言之有理。〔末〕咳。趙王差矣。

〔小桃〕映芙蓉。這事體關天重。莫輕把宮闈弄。謝玖乃聖上所幸。宮人得何罪來。怎就要殺他起來。〔淨〕他迷戀君王。就該死罪了。〔末〕他一時幸沐君王寵。緣何打散鸞和鳳。這是君王所幸。與他

何干。淨齊王敢受謝玖之賄麼。末你休胡哄。亂宮闈體統。小旦齊王言語好生可惡。你莫非阿黨謝玖麼。末咳罷了。任從他倚欄無語怨東風。

淨那老兒去了。小旦他去了倒好議事。只是謝玖。皇上知之將何抵飾。淨臣有計了。今日之事。不過慮他生出太子。釀成禍魁。今若擊墮其胎。豈不兩全。小旦好計。內侍快宣謝玖過來。宮女應介宣貼上來了。榴子色分金釧滑。茜花光映玉鈎寒。謝玖叩頭。小旦賤人你幹得好事。貼娘娘奴婢呵。

普天賞芙蓉檻。孤鸞囚隻鳳。捱宮漏。驚殘夢。小旦只怕做有好夢了。貼又何時弄粉調脂。淨倒有懷怨之意。貼敢聲聲怨綠愁。

紅。小旦只問你胸前。為何比舊時不同了。貼嗟永巷愁懷重。紫
禁迢迢。料得誰相共。小旦哇賤人。還要抵賴麼。淨娘娘息怒。待
他招來。貼招甚麼來。苦難言。驟雨狂風似疾。卷飛花舞控。淨從
實招來。免受刑苦。貼任嗟呀。黃花消瘦對西風。

小旦怒介賤人還要胡說。

朱奴插芙蓉你胸高大。情知此蹤。休錯認鳳離龍種。淨好將此
事施行了。小旦怒上心頭似泉湧。取畫戟過來。襍取介。小旦尚
兀自語言支哄。貼娘娘腹中是太子。不要撲死了。小旦成何用。
儲君幼冲。猛拚他頓開金鎖走蛟龍。打貼下

付上冲寒魚鱗開三殿。拂曙龍樓近五雲。下官賈謚。今日有

事奏聞皇后。只索走遭。呀。原來趙王與娘娘在此講話。不免朝見。臣侍中賈謚見駕。願娘娘千歲。小旦平身。付與淨各見。介付趙王在此幾時了。淨還不多時。付臣啟娘娘。交趾採訪石崇。差官到京。餽送許多寶物。通候娘娘。小旦甚麼寶物。付走盤珠壹萬顆。五色寶三千粒。小旦想是要升轉了。付據他來意。願拜太僕。出監青徐軍事。他即日來覆命。千萬娘娘在聖上面前。力為攬掇。小旦這有何難。淨背介那石崇竟走了。賈侍中的路。無一些孝敬於我。可惱。可惱。老旦上。啟娘娘宮女謝玖。腹中受娘娘畫戟。墮產殿下。小旦快將小娃撇在裡河中。即着趙王與侍中監視。毋得疎虞。淨付領旨。彩鸞聲逐。

秦簫斷。赤子身隨御水流。(下)

(尾)示旦。心中事。又夾攻。甚日琴調瑟弄。今夜裡只恐巫山路未通。(下)

第十折 訪珠

(番卜算)生上。皇命效驅馳。百粵經行徧。沿途犵鳥與蠻花。風景堪留戀。

下官石崇。欽差交趾採訪。鞅掌風塵。王事靡暇。且喜奉差已畢。赴京覆命。離任行來。已到白州館驛。暫停鞍馬。只為利名奔競。未得一掌上之珠。向欲徧選吳姬。廣蒐越女。怎奈姻緣不偶。未遂衷腸。頗為憂悶。且喜赴任之時。攜得一人。名喚孫

秀。為人倒也伶俐。在行。一向虧他作伴。頃已囑彼。在此地方。覓一美姬。未知有無。他來時便知分曉。(丑上)百粵山川題欲徧。素馨花老六郎歸。見生介(生)事體如何。(丑)孫秀徧覓街坊村舍。都說雙角山前。有梁氏之女。名喚綠珠。年方三五。國色無雙。恩主可都將金帛。帶往他家。果若美觀。就行聘如何。(生)此去雙角山。有多少路程。(丑)有數里之程。(生)既如此。帶馬過來。(院子帶馬生上)馬行介(生)

(園林姐姐)跨青驄。銀鞍錦鞵。訪紅粧。明璫翠鈿。豈惹丁香不展。雲山隱隱。愁聽泣杜鵑。(合)旌旗卷。小橋殘壩林中現。樹杪丹楓鎖翠烟。(下)

(姐姐插交枝)(老旦旦上)(老)

踏青向芳堤步轉。枉自惹蜂愁蝶怨。

說不盡媽紅姹紫。鶯花簇錦鮮。老身梁氏之婦。攜着女孩兒踏

青回來。怎奈他鞋弓襪小。好生難走。瘦腰肢娉婷可伶。窄弓鞋

伶仃怎前。

(交枝帶供養)(生丑同上)(生)

香風初捲。呀。玉天仙飛來那邊。看他

遮遮掩掩桃花面。似羞語多情相見。(丑)此間好像雙角山前。莫

非就是此女麼。(生)可好問他一聲。(丑)不妨。待孫秀上前。問他一

聲。(各下馬介)(丑)媽媽不好動問。此位姑娘。莫非就是令媛綠珠。

(老)正是何勞動問。(丑)此間欵差交趾採訪石老爺。正欲到宅。有

事相求。(老)貧婦之家。何勞貴人下降。既如此。寒舍就在前面。待

我攜着小女。一同回去。(丑)妙極。(覆生介)正是綠珠。步行去罷。(合)
竹籬茅舍鬧喧闐。窮檐若個迎軒冕。(二旦)母子驚疑。欲語難言。

(老)已到寒舍。尊官請裡面坐。(進介)(老)老身拜了。(生)不消。(老)我
兒過來。見了尊官。(生)一發不消。(旦見介)(老)我兒進去看茶。(旦
下)(各坐介)(丑)媽媽可曉得我們的來意麼。(老)老身不曉得。

(供養入江水)(丑)為伊家嬌倩。嫩蕊柔條。未結良緣。石老爺呵。紅
絲因未繫。待把赤繩牽。(老)原來如此。只是老身只生此女。怎肯
遠嫁。(丑)石老爺富貴非常。那聘金一一如命。黃金白壁。管教你
桑榆歡忭。(老背唱)獨自徬徨。霎瞬渾言權變。

(丑)媽媽我對你說。他是欽差官府。一則勢焰熏天。二則宦囊

充滿。作老年之人。落得多。要他些財禮。暮景安康。好不快活。
(老)待老身想來。我自養此女。原要尋個好頭主。為養身之計。
今遇此官。他財禮必厚。況炎炎之勢。萬一觸惱於他。不便。不
如趁水推船。得他厚聘。豈不兩便。二位在上。小女長成。原該
出嫁。只是荒村陋質。不堪伏侍貴人。(生)不必過謙了。(丑)但求
示下財禮。大媒一力承當。(老)老身止生此女。教他吹彈歌舞。
件件精通。養老終身。都在他身上。尊官也要諒情。(丑)聘金要
多少。(老)不用金銀幣帛。(生)却要何物。(老)只求明珠三斛。(生)這
又何難。下官回館驛。即取三斛明珠送來。

(撥掉帶僥僥)真歡忭。幸藍橋締夙緣。只真珠幾斛明圓。只真珠

幾斛明圓。聘傾城天生可怜。(丑)明日黃道吉日。就要成親的。(老)
這個自然。(生)告辭了。(合)趁明朝吉日紅鸞現。好鳳輦迎歸會絳
仙。

(生丑下)(旦上)阿呀。母親真個捨得孩兒遠去。(老)他富貴非常。
到彼受用不盡。

(尾)粧台玉鏡和金鈿。三斛明珠不腆。好待做戲水鴛鴦並蒂蓮。
(下)

第十一折 驛娶

(丑上)歌舞叢中可度身。梨花吹落粉痕新。錦鞵金絡紛來往。
飛到晴郊十里塵。我孫秀。蒙石採訪提掇。致有今日。無可報

効。因此在雙角山。訪得梁氏之女綠珠。同去看時。一見十分
歡喜。遂將三斛明珠。親自往彼納聘。如今就在館驛成親。迎
親的將到。我恐驛丞尚未準備。先自趕來。分付則個。驛丞那
里。

(字字雙) (淨) 上腰駝背曲鬢兒皤。昏惰。烏紗兩處剪刀箍。稀破。撇
開圓領似披蓑。風大。無柴少米苦捱磨。忍餓。

(見介) 孫先生有何見教。(丑) 迎親的將到。花紅羊酒。賀喜酒筵。
合盃蘭房。合歡床褥。汗巾手帕。尿瓶馬子。一應洞房事件。都
要齊整。(淨) 汗巾手帕要緊。(丑) 是掌禮喜娘可有。(淨) 未有。(丑) 你
怎麼不喚。(淨) 因日子甚好。喚不出来。我的官票。又掣不動。(丑)

如此怎麼處。(淨)先生週全週全。(丑)我有一計。借重你權作掌禮人。尊夫人權為喜娘何如。(淨)老夫只得罷了。未知老荆肯否。(丑)倘不依。採訪着惱。不是當要的。(淨)待請出來商議。奶奶有請。(付)上來了。

(前腔)驛丞奶奶賽嫦娥。好貨。高眉濶鼻挺胸脯。脚大。五花官誥恁蹉跎。高卧。黃蘆淡飯強騰挪。難過。

喚我出來怎麼。(淨)事便有一件在這裡。只是不好說。(付)說來。(丑)此位就是奶奶。作揖了。只為石老爺。迎娶綠珠美人。在此驛館成親。只少喜娘一位。欲煩奶奶暫充片時。(付)咳。好不知事。我日後要做誥命夫人的。怎要我伏侍別人。我是不去的。

欲下介(淨)請轉來。欽差官府。倘然怪責。我做驛丞的。那里當得起。(付)不是我不願去做喜娘。倘或欽差老爺。掣我捏手捏脚。沒正經起來。怎處。(丑)奶奶放心。若見了奶奶尊容。他自然正經起來。(付)淨各笑介。(丙)吹打迎生。旦上拜堂介。(淨)驛丞夫婦叩頭。(生)有勞你夫妻二人了。(淨)驛丞備得喜筵。與老爺稱賀。(生)生受了。就此掌燈到房中去。

(紅繡鞋)華堂一派笙歌。笙歌。燈光照耀嫦娥。嫦娥。怜燕乳。惜鶯雛。香繚繞。影婆婆。向蘭房內牽繫紅羅。紅羅。(生)衆下。

(淨)你道好笑不好笑。從來驛丞掌管的囚徒馬戶。差撥的轎馬人夫。備辦的中火下程。迎送的皇華使客。稽查的火牌勘

合剋滅的夫馬錢糧。偏有這交趾採訪。却要在驛館成親。折盡錢鈔。受盡驚惶。好不晦氣。如今且喜成親事完了。但未知還要混到幾時哩。(付上)天殺的。叫我充差役。(淨)奶奶不要發惱。老夫不是了。(付)自古道夫榮妻貴。你做驛丞老爺。我就驛丞奶奶了。一樣的人。教我服侍他。(惱介)(淨)老夫不是了。請奶奶到房中去。陪個禮罷。(付)站了半夜走不動了。(淨)馱進去罷。(付)不馱。(淨)既如此。我且罷。(付)天殺的。還不馱我進去。(淨)驛丞奶奶出賣。甯讓不賒。不誤主顧。願者成交。兩無反悔。(馱)譚下

第十二折 操演

(小生上)雲外旌旗婆勒渡。月中刁斗受降城。神鉦羯鼓軍聲

急。鐵騎銅駝妖氣清。自家劉琨字越石。本貫魏昌人氏。少年
豪興。與范陽祖逖齊名。蒙青徐都督石元帥。重我忠勇。聘歸
麾下。職授記室參軍。重蒙眷顧。難報高深。雖無運籌帷幄之
功。亦有折衝尊俎之力。近為秦雍氐羌齊萬年。興兵入寇。詔
遣梁王彤。夏侯駿等。領兵十萬。出關迎敵。傳檄各軍監軍。俱
要星夜勤王。俺將軍也免不得渡河接戰。今日在校場操演
三軍。率師命將。帥府早已升帳。不免到轅門伺候。正是帶甲
三千雲作陣。闕河百二石為陣。四小軍四將官。引生戎服上
繞紅樓。生畫戟油幢擁使旄。邀寵渥。三錫恩叨。細柳威名。賦詩
橫槊。秉鉞靖天驕。

萬甲蟠胸浩氣冲。將星光耀海雲東。風傳九驛民安枕。聲震
三山士挂弓。下官石崇。前任交趾採訪。覆命還京。蒙聖恩榮
拜太僕。出監青徐軍事。剖竹雄藩。令符重鎮。東南鎖鑰。慚無
數萬甲兵。幾輔干城。謬說三千將佐。只今秦雍氏羌齊萬年。
舉兵入寇。傳檄勤王。急如星火。一應軍械。須當整練。劉參軍
小生有(生)勤王緊要軍令宜申。各營兵將都齊了麼。(小生)都
在轅門伺候。(生)既如此。擺齊隊伍。到校場中去。(眾)得令。(行介)
(泣)顏回(生)瀚海陣雲高。玉帳貔貅環繞。山河半壁支撐。萬年齊
保。風霜號令甲兵雄。四面旌旂耀。(合)看今朝白羽風生。須有日
紫泥天表。

到介生上台介衆將官衆有生今番操演。不比尋常。須要
祭二氣之盈虛。通五行之生剋。八屯七蠱。彰度數於軍中。五
略九旂。肅威儀於閫外。矢志名先。頗牧何難。兵合孫吳。衆將
軍。須要用心者。衆謹遵嚴令。

千秋歲生簇弓刀士卒齊喧噪。聽叱咤山岳崩搖。百萬熊羆。百
萬熊羆。盡向那虎帳前躬身傾倒。黃金甲。魚鱗耀。霜光。龍吟
嘯。擬畫凌烟閣。獻新圖八陣。舊策三韜。

劉參軍分付三軍。擺下陣來。小生衆將官兵為凶器。戰為危
機。陣通八卦。數按五行。風后授之元女。黃帝以破蚩尤。天地
風雲為四奇。龍虎鳥蛇為四正。奇配乾坤艮巽。正配震兌坎

離。面面相向。背背相承。設伏張奇。許多變化。眾將官隨我擺
陣。眾走陣介。小生啟元帥南方乾上一部。按二革二金。變成
地載陣。生好再變來。眾又走陣介。小生啟上元帥。東方巽上
一部。按三革二金。變成雲垂陣。眾走介。小生西方艮上一部。
按二革三金。變成風揚陣。請元帥居中。演風后握機九宮八
卦陣。生下台引眾走陣介。越恁好。合握機風后。陣軒轅度數饒。聽軍中鞞鬧。搖
岱嶽。振江潮。勒燕然績高。勒燕然績高。看功成姓名兒銅柱上
標。斬樓蘭凱旋。勇糾糾玉門關。金鏡慢敲。酬龍劍。展豹略。盡把
橈槍掃。賴君威奏捷。插羽飛報。

生今日操演。眾將官各賜牛酒。明日五鼓。親統三軍。星赴勤

王。

紅繡鞋。冷神京一望迢迢。迢迢。指揮十萬雄驍。雄驍擺甲冑。擁

旌旄。驅戰馬。挂征袍。功成後。媿嫖姚。

尾烽烟警處憂非小。步騎雖強敢憚勞。待為那鐵桶山河一戰

鏖。

第十三折 二 全黨聚

梨花兒。丑冠帶上。一視堂堂希又罕。烏紗赫赫遮人面。負義忘

恩霎瞬間。嗟。只為勢利忙奔攢。

我孫秀蒙石太尉提攜。授我一官捕盜小尉。本該知恩報恩。

因見貴戚王愷。富堪敵國。比太僕更覺奢華。為此我心未免朝秦暮楚。况他近來寵用劉琨。把我漸漸捱身上。故此石府稀疏。王銜親密。非我負心。只因勢利兩字。不由人做主。今日聞趙王要到王愷家中。未知有何劾勞之處。不免先到彼伺候。正是走狗人都鄙。呵呀我最精。(下)

玩仙燈(付上)勢壓朝班。貴戚威名炫爛。

紫闥何難入。金門也易排。無心求富貴。富貴逼人來。老夫王愷。號君夫。東海人也。文明皇后為姨。世祖武帝為甥。官拜後軍。望隆朝右。家資山積。寶藏連城。偌大洛陽。都沒有石崇王愷的富貴。耐耐石崇那廝。奢華更勝我幾分。好生氣他不過。

老夫向與趙王交好。今日要來賞鑒寶玩。不免乘機將石崇攬掇幾句。怎生處置他纔好。且待孫秀到來。與他計議。(丑上)急走王侯府。忙奔勢利場。老將軍孫秀叩見。(付)孫彥才起來。只是常禮罷。(丑)起揖介。(付)請坐。(丑)告坐了。(付)孫彥才你兩日。在石太僕家。他的景況何如。(丑)老將軍聽稟。

(奈)子落瑣窻。他頗豐饒。金穴銅山。儘奢華玉砌雕欄。老將軍以

鉛洗釜。他却以蠟代薪。烟熏曲突。蠟炊成炭。老將軍用紫絲步

障四十里。他却用錦步障五十里。看步障碧霄光燦。老將軍泥

壁用赤脂。他却以椒塗壁。壁間赤石勝椒繁。珍珠寶玩不計其

數。還有那嬌滴滴的。小婦春生玉腕。

前腔付聽侈談霧鬢雲鬟。好教人靚靚容顏。咱為貴戚。豈遭輕慢。這般倨傲。總難寬。我幾時鬪他一個寶。好把奇珍觀看。

丑最可恨者。當時門下。只有孫秀一人。如今有了劉琨。道他一身本事。把我漸漸握身不上。付這個不難。劉琨那廝。每每自恃豪俠。眼內無人。輕視老夫。待我幾時哄他來。杯酒之間。斷送他便了。

玉井蓮淨趙王上帶礪河山。永作國家屏翰。

今日到王將軍府。觀看寶玩。來此已是。須索通報。襍報介。付丑迎介。付臣王愷拜見。淨王君夫少禮。請坐。丑孫秀叩頭。淨這是孫彥才。既是在王將軍門下。坐了罷。丑不敢。付千歲。抬

舉不可有違。(丑)告坐了。(淨)這幾時不曾到卿家賞鑒寶玩了。
聞得內廷復賜卿有異寶。特來借觀。(付)也沒有甚麼希罕東
西。只有新賜二尺多長珊瑚一枝。這一件可供大王賞玩。院
子取來。(襍)珊瑚取到。(淨)好東西。真乃人間至寶。石季倫雖富。
那有此寶。(丑)原來大王有所不知。你道石太僕沒有此寶。却
不知他家還有無價的活寶。(淨)甚麼活寶。(丑)是能歌能舞的。
又嬌又怯的。這件東西。(淨)是美人了。(丑)是在白洲雙角山前。
三斛明珠换来的。名喚綠珠。現住在金谷園。朝朝寒食。夜夜
元宵。(淨)怎生一計。得此美人便好。(付)大王果有此心。甚非難
事。(淨)石季倫前番交趾回來。倚仗侍中賈謐。頗有賄賂。與賈

后交通。全無孝順與我。一向憤憤不平。(丑)大王若登極之後。他若不免綠珠美人進御。何難撲殺此獠。(淨)言之有理。

(薄媚)哀我有日居九五間。四海人驚憚。粉黛三千。何用牽愁雨意雲情罕。(合)那顧他嬌羞慵和懶。効鶼鶒雲雨。翻比翼相隨。同心共結。

(院上)稟爺酒宴完備了。(付)請進後堂一醉。

(尾)(合)華堂復爾排佳宴。叙情悰聊憑把盞。對景歡娛景未闌。(同)
(下)

第十四折 園宴

(末上)燕語鶯啼宛轉。蜂黃蝶粉輕盈。歌台舞榭賽蓬瀛。美景

良辰遣興。簾幙垂殘。鸚鵡闌干。倚慣娉婷。館娃西子。浪傳名。
銅雀春深轉勝。自家石府院子是也。俺老爺自官拜太僕。就
在洛陽勝地。起建一座金谷園。若說園中景致。真個是畫閣
連雲。瓊樓映斗。珠簾翠箔。風裊烟斜。玉砌雕欄。日移花影。奇
葩奪目。幾般淺白深紅。春色撩人。多少蜂媒蝶使。牆頭紅粉
面。溶溶龍腦花酣。架上秋千。容嫋嫋。猩紅暈透。綺席屏開。雲
母聽美。姬慢展鶯喉。雕軒簾挂水晶。看越女輕敲象板。山珍
列豹腦駝峰。海錯盡龍肝鱗膾。月夕花辰。貴戚王孫。傳玉勒。
賞心樂事。佳人才子。倒金樽。今日正當排宴。只索伺候。道猶
未了。老爺早到。

步蟾宮(生上)池塘烟鎖垂楊柳。不數那名園十畝。偕美人絕代

共遨遊。如入仙源洞口。

(末見介)(生)名園落成。大宴公侯卿相。院子今日各位老爺。未

到園中飲宴。一應筵席。都要齊整。(末)曉得。(付)外小生淨各冠

帶上。

女臨江(付)皇家姻戚尊行首。(淨)守儉約。樹良謀。(小生)胸中豪氣

欲吞牛。(外)河陽花滿縣。(合)把袂恣嬉游。

(付)自家秘書監賈謚是也。(淨)下官司農劉實是也。(小生)下官

記室參軍劉琨是也。(外)下官河陽令潘岳是也。(付)列位今日

石季倫見招。金谷園飲宴。來到園門。就此通報。(末)報生出迎

介(生)荒圃平蕪。重辱佳賓降玉。(衆)名園金谷。欣逢賢主開尊。
(生)特邀草閣。小滌塵襟。(衆)幸入桃源。復叨綺宴。今日名園雅
宴。為何孫彥才不到。(生)他久在貴戚王將軍門下。與荒園甚
稀疏了。(衆)太薄情了些。(末)酒宴完備了。(生)看酒來。(各)坐飲介
(梁州新郎)(衆)園林堪畫。花枝如繡。恰是春陽時候。高低台榭。相
看恍在瀛州。只索輕敲檀板。慢倒金尊。唱和詩千首。海棠開處
也似含羞。鶯踏花翻香欲浮。(念)聽好鳥鳴春晝。湖山石畔韶光
透。拚酌酹共拖逗。

(衆)酒力將酣。起身散步一番。(生)園後小亭。還有薄酌。請列位
到彼暢飲一回。(衆)過費了。(生)請。(衆)行介

前腔(衆)瓊筵乍設。金尊依舊。好景憑攜滿袖。重開東閣。同傾北

海綢繆。(衆下)老旦小丑了環上。草迷歌扇綠。花觀舞裙紅。我們

府中小厠侍兒。便是。今日園中宴客。怕客登東。只得在此伺候。

(淨上)東壁圖書府。西園翰墨林。(見環等退)介本欲登東。錯走了

內室。不好了。(急下)(丑)方便的。正是這裡。轉來轉來。(笑)介老頭兒

這般沒竅。見了我們亂跑。我們暫去再來。落花原有意。流水太

無情。(下)(生)衆上(合)行過牡丹亭畔。芍藥欄前。曲砌無人走。名園

金谷也。漫淹留。碎錦平原可卧游。(合前)

(衆)你看露桃含艷。烟柳垂絲。翠色連娟。紅痕縹緲。果然好景

致也。(生)不堪醉酒狂歌。聊共觀花謔浪。(淨急上)桃源休問渡。

漁父乍迷津。(見生介)得罪了。(生)為何。(淨)偶欲登東。錯走了內室。(生笑介)這是方便之所。(淨)為何侍兒環列。繡帳高懸。鉛粉研調。濃香馥郁。(生)那些了頭們。常伏侍慣的。(眾)足徵絳帳風

流。(生)山肴粗列。各位請坐。(各坐介)(生)院子各位老爺在此。取紙筆過來。即席賦詩。(末各送介)(生)如詩不成。罰依金谷斗數。
(前腔)酌醇醪。再整餽籌。賦新詩。早拈佳構。情耽麴蘖。從教醉解千愁。不草詞。含珠玉。白。薄風騷。一罰須三斗。(淨)老夫倦吟。作崇讓一篇塞責。(外)下官有極得意兩句。投分寄石交。白首同郎歸。

(生)小弟偶拈金谷園詩集序一首。(付)學生一句也無。(生)劉琨但能清嘯。不會吟詩。(生)院子收過筆硯。賣老爺。劉老爺。各罰酒。

三斗。末送酒介。生罰依金谷也。豈苛求。酒政雖嚴情意周。合前

衆酒已盡歡告別了。生還要喚出美人。簾內唱曲侑酒。院子

分付侍兒伏侍綠珠美人。在簾內唱曲。末向內分付旦在簾

內清彈隨唱時曲一支下。衆好呵。嚙羽含宮。過雪裂石。真所

為詞出佳人口也。生還令美人出簾起舞。衆既聽鶯簧復觀

霓舞。今夕何夕。樂之極矣。衆女扶旦出舞介。頃爾其佳。落梅

前腔。衆旦怪無端綠鬢多愁。沒遮攔紅顏消瘦。東風無賴。朝來

懶自梳頭。只見鴛鴦作對。翡翠成雙。小鳥思求偶。水流花謝也

總堪憂。艷舞嬌歌歲月流。合前。衆曰。蘇州五音。蘇州開。蘇州上

內聖旨下。末稟介。生快排香案迎接。衆我等暫且迴避。小生

下官午晚蒙王將軍見招。要先告別了。(別衆下)(衆虛下)(老旦
內侍捧詔上)聖旨到。跪聽宣讀。詔曰。雄威丕著。藉開疆拓土
之勲。神武維揚。賴斬將奪旂之烈。茲爾太僕石崇。忠勇勤王。
督師血戰。俘酋立授。功績可嘉。特拜衛尉。晉階一品。仍挂征
蠻將軍印。勅賜蟒衣一襲。玉帶一圍。用獎殊勳。爾其欽哉。謝
恩。(生)萬萬歲。請天使少坐。(老)皇命難違。告辭了。(生)送老下。(衆
上)恭喜太尉。寵膺皇命。我等暫借一杯稱賀。(立飲介)
(節節高)(衆)皇恩寵渥。用獎殊猷。啣來彩鳳恩光厚。腰懸綬爵賜
侯。名成就。簪纓自此光前後。榮華富貴天然湊。紫府恩綸自天
邊。潭潭相府人非舊。

(生)飲酒之間。不見了劉參軍。眾他要到王將軍處赴宴。先去了。(生)咳。劉越石此去差矣。王愷素有妒嫉之心。道他在我門下。憎忌已非一日也。

(前腔)他是衣冠一沐猴。蓄陰謀。心如蛇蝎。真禽獸。劉越石今夜定遭其毒手。牢籠就身命休。盆冤覆。院子快與我卸下蟒衣。取寶劍與我佩着。我有快牛一隻。名為八百里。火速牽來。與我騎跨。院子隨我星夜趕去救他。列位少坐。只得暫別了。疾牛迅若飛禽溜。追風躡影驚馳驟。檻鳳囚鸞怎逃生。擎天隻手憑咱救。(生)下。眾有此異事。好怕人也。且等太尉回來。便知分曉。

(尾)奸雄杯酒藏機彀。怕墮慙終難拔救。但願得死裡逃生免大

雙言(下)

...

...

...

...

...

...

...

...

...

...

竹葉舟傳奇卷下

吳縣畢萬侯晉卿撰

第十五折

救琨

(老旦扮侍女上)高卷珠簾白玉鈎。吳歌楚舞幾時休。杜鵑啼處催春去。寂寞西風翡翠樓。我乃王將軍府中了鬃是也。俺家富壓京華。貴傾朝右。真個人間天上。不數閭苑蓬萊。今日正當宴客。待叫侍女勸酒。則索堂前伺候。則個正是響流明月引。低度落花塵。(下)(小生上)長安年少羽林郎。騎射惟能事武皇。弓影醉開孤月滿。刀頭新買百金裝。自家劉琨。蒙王將軍見招。理宜趨赴。迤邐行來。此間已有人麼。(禰上)劉爺有

請。

(西江月) (付上) 酒美慚非金谷。 (丑上) 花開不減河陽。

(迎進介) (小生) 劉琨標櫟庸材。 謬承獎借。 (付) 參軍干城偉器。 素切欽崇。 (丑) 將軍薄具濁醪。 以澆壯士。 (小生) 多感盛情。

(畫眉姐姐) (合) 美酒鬱金香。 玉盞盛來琥珀光。 看筵開玳瑁。 曲按宮商。 尊壘列海錯山珍。 氣槩勝王侯卿相。 杯休放。 及時行樂何須讓。 來日陰晴未可量。

(丑) 參軍為何不飲。 (小生) 方纔在石太尉金谷園。 多吃幾盞。 蒙老將軍見愛。 不得。 不來。 其實吃不得了。 (付) 在金谷園暢飲。 老夫這里就見棄。 (小生) 不敢。 酒力不佳。 (付) 快喚了環勸酒。 (淨) 老

小旦了環上見介付過來。劉老爺不肯飲酒。你們每人勸一巨觥。不能勸者看刀。

啄木鸛衆環殷勤勸。斟滿觴。一醉中山消悒快。雖未有玉饌金

厨。且傾盡瓊液瓊漿。小生不吃介付這妮子不會勸酒。拏去砍

了。襍殺淨下老劉老爺請酒。畫堂貴客胸襟曠。長鯨一吸休相

讓。小生涓滴難沾老瀉銀缸。莫辭酩酊。須盡酒千行。

付這妮子不會勸酒。拏去砍。襍殺老下付再着兩人不能勸者亦如此。二旦阿呀。劉老爺。我二人之命。交付與你了。

三段催鑊錙似霜。痛青衣須臾命亡。醇醪勸嘗。望嘉賓拚沉醉鄉。淳于一石多豪放。平原十日還高曠。丑灌介情懷愜。意氣豪。

神思爽。筵前侍婢齊稽顙。賢東投轄情非謊。一醉休愁千狀。

(小生吐醉介)(丑)如今上釣了。(付)快扶書房中去。(二旦扶下)(外)遞刀與丑接介(丑)待我去。自然停當。(付)我坐中堂。專等回覆。

(外丑下)

(滴溜神仗)(生末急上)(生)劉琨的。劉琨的。竄身那廂。君夫的。君夫

的。造謀鹵莽。(直入介)劉琨在那里。壯夫必須無恙。(付)原來是太

尉。他醉了。已卧書房。不須驚動他。(生)豈有此理。休思磨滅英雄

骷髏。院子隨我來。急撞入內書房。急撞入內書房。(下)

(付)謀事不成。反要出醜。待我去叫孫秀。不要下手。(下)(二旦扶

小生上睡介)(丑上)刀來。(生急上丑驚下)(生)不要動手。君夫起

得好很心。孫秀好雙毒手。

滴金樓他前生有甚冤業障。遇汝狐羣兼狗黨。見小生介越石
甦醒。小生吃不得了。生呀。夢魂中尚作酖醢狀。快醒來。我石季
倫在此。鬼門關怎獨往。言非虛誑。猛抬頭急逃羅共網。小生醒
看介原來是太尉在此。生一霎頭顱將喪。恁朦朧快認端詳。

小生我是王將軍請我吃酒醉的。生死在頭上了。小生怎麼
說。生王君夫着孫秀刺死你。小生醒跌介阿呀。太尉救我。跪
介

黃龍太平驚謊。猛聽君言。胆落心驚。魂魄飛魄喪。立起又跌介昏
沉半晌。望救殘生。離此奇殃。生少年之人。何以輕就人宿。快隨

我來。(行介)不奔。踏似檻猿籠鳥急逃亡。怪小鹿驀然驚撞。(生)
院。子快將牛與劉參軍騎跨。先回到我府中。我自來也。(不)生上
牛介脫離虎口。情顛意倒。失路亡羊。(不)生下

(付上)劉琨卧醉書房。為何驚他回去。(生)請他吃得好酒。(付)只
有太尉家中富貴。終日在金谷園宴客。老夫就做不得個小
主人麼。(生)為何孫秀手中。執此利刃。(付)也與你無干。你昏夜
闖我內室。毫無顧忌。太覺倚富欺人。道不得富而無驕了。(生)
老將軍也不窮。(付)我是不窮。(生)我也不窮。(付)久仰太尉富堪
敵國。幾時和你鬪個寶。(生)這有何難。約定明日。齊集上林苑
鬪寶便了。

雙聲滴(付)爭標榜。爭標榜。集異寶。同誇獎。休謙讓。休謙讓。聚至寶。相高尚。(生)低昂。今休間講。奇珍帶滿裝。休輕較量。倒橐傾囊。黃金白鏹。

請了。(生下)(丑上)殺人不見血。斬草未除根。一天好事弄左了。怎麼處。(付)石崇這狗頭。好生欺我。明日要與我上林苑鬪寶。(丑)他登天之富。非人間可比。須敵他過纔好。(付)別的不要說起。我有御賜珊瑚。高有二尺餘。料他罕有。

(尾)奇珍異寶爭相抗。(丑)仔細搜尋運滿箱。(念)好一似海藏龍宮夜放光。(下)

第十六折 鬪寶

(末外)掌寶官上。(末)昆明池月滿。合浦夜光迴。(外)夷貝連車至。
蠻珍滿載來。(末)自家石太尉府中掌寶官是也。(外)自家王將
軍府中管寶官是也。(末)今日石王兩府。在上林苑鬪寶。驚動
洛陽城內人海。人都來觀看。好不熱鬧。我等監領庫役。裝
載寶物。載於車輛。挑到苑中。且喜兩家珍寶。都已彙齊。不免
分付掌寶人過來。(二)襍上應介。(末)今日鬪寶。非同小可。你們
車載寶物。着意提防。待我指點。逐件捧出遞來。交接明白。須
要小心在意。(二)襍應介。

(風馬臨江)(生)蟒服上。笑舞狂歌暮又朝。信一代冠人豪。(付)上任

鐵山金穴儘豐饒。昏昏如醉夢。朝寒食。夜元宵。

(相見介)外末掌寶官叩頭。(生)付起來。(外末)二位老爺。各歸步障。容小官們分付掌寶人。逐件取來。呈上來看。(內嚷介)二襍間人迴避。(生)分付不消。驅逐間人。由他們自看便了。(外末應介)生那些百姓們呵。
(南)普天樂。聽奇聞。爭喧鬧。看奇珍。爭呼叫。人千萬。簇擁如潮。慢驅除恣彼游遨。(念)呀。看前圍後繞。人聲沸似濤。聚簇成群。看取相府雄豪。

(末)外稟二位老爺。那家進寶。(各遜介)生占了。掌寶人逐件取來。(二襍)遞末呈上。(介)這是木難珠。水蒼玉。(外)這是扶餘玉。火齊珠。(末)這是分水犀。分水兩開。(外)這是切玉劍。切玉如泥。(生

付都取過去。

北朝天子合道侯門富豪。罄珍藏盡拋。龍宮海藏傾翻倒。長安
創舉。算新聞播謠。挈龍鍾。攜年少。鬧叢叢叫號。亂紛紛混淆。脾
燥。喜今朝河陽聲噪。河陽聲噪。共狂呼齊喧笑。

末稟老爺。這是點睛龍。付這是一幅畫龍。何以為寶。生點睛
便能飛舞。付試看來。點介內鳴鑼龍舞上轉下外這是引鳳
簫。生怎見得。外品起。鳳即至。生試吹來。外吹介內細樂鳳舞
上轉下末這是夜光珠。猫兒眼。外這是桃花蠟。祖母綠。

南普天樂付生夜光珠明如耀。蠟桃花光如燎。猫兒眼祖母蹀
躞。閃蠟珠紫欠堪褒。呀羨瓜哇日角紅牙可慢敲。玉潤珠圓。堪

訝鋼鑽堅牢。

(末)這是降仙籙。(付)能降得麼。(末)降得。(付)降來看。(末)將籙向內

(襍扮二仙)跳上即下。(外)這是降魔鏡。(生)魔可降得麼。(外)降得。

(生)試來看。(外)鏡向內魔跳上即下。(末)這是雉頭裘。蛟龍錦。(外)

這是紫霞綺。金縷綾。

(北朝天子)(生)付雉頭裘勝韶。更那錦蛟龍絳綃。金綾紫綺良工

造。浮沉東海。去哈密路迢。產宏農玄珪妙。獻胡杯在朝。配割五

利刀。誇耀看輝煌。金龍屏照。金龍屏照。寶和珍相肖。

(末)這子母錢能飛。(付)看他飛來。(末)將錢擲內作樂錢飛介。(付)

取珊瑚過來。(外)珊瑚樹。(生)好寶物。必要出席細觀。各出位看

介(生)下官有一物。可以勝此。叫掌寶官。取我鐵如意來。(末)應取介鐵如意在此。(付)這鐵如意。怎鬪得我珊瑚。(生)笑介儘鬪得過老將軍。(持如意擊碎珊瑚介)(付)阿呀。罷了罷了。這珊瑚乃邊郡所獻。聖上御賜的。怎將他擊碎了。好好。同去面君。(大怒介)(生)老將軍不須着惱。

(南)普天樂(鬪)奇珍。圖歡笑。擊珊瑚。休焦燥。誰曾見好物堅牢。又何須怒氣冲霄。掌寶官。將我高大珊瑚。長三四尺者。着人取五六株來。(徠)應取珊瑚五六株上(生)呀。此君家異寶。低昂定不清。將此珊瑚。盡數賠償老將軍。以當請罪之意。過來。遞與王府之人。(末)遞外眾下(付)怎好受此重寶。(生)些微之物。我家儘多哩。絳

樹無花結幹。聊報瓊瑤。同衆竟下

付你看他揚揚得意而去。我不道他有此許多寶物。今日萬目昭彰之地。却鬪輸於他。好不慚愧忤惱。

北朝天子怪他行恁喬。弄咱們似糟。珊瑚幾樹頻驕傲。賠償縱美。奈渾身汗澆。這羞慚誰知道。欲向他絮叨。恐防人暗嘲。堪惱。勸旁人不須譏誚。慢商量圖酬報。下

第十七折

竹林

破陣子生上三十擁麾外閫。一朝開府西京。

前日與王愷鬪寶。擊碎珊瑚。洛陽城中。傳播奇聞。以至野店荒村。都稱豪舉。好不暢快。今日天氣晴和。政事少暇。不免改

換衣冠。獨步郊原暗探。看山林城市之人。將我石太尉如何
贊揚。豈非快事。正是。悵飲暫辭金谷酒。京塵不上鹿皮冠。下
外小生衆扮七賢上

北新水令合青山幾陣白雲迷。歎人生苦貪名利。乾坤丸一轉。
日月箭雙飛。奔走驅馳。怎如俺共山林甘恬退。

外自家淮郡稽康。小生自家陳留阮籍。末自家河內山濤。淨
自家河南向秀。付自家瑯琊王戎。丑自家沛國劉伶。老自家
陳留阮咸。我輩因見魏晉紛紜篡亂。神州難免陸沉。相與高
卧空山。因此退藏幽谷。優游泉石。嘯傲烟霞。縱酒偕游。遺落
世事。共作高飛遠舉。自號竹林七賢。終日黜陟不知。治亂不

聞好不道遙自在也。(丑)今日社期。必當雅集。須早赴竹林會飲賦詩則個。正是去住任隨猿鶴侶。風塵不染芰荷衣。(下)

(南)步步嬌(生)暫却朝紳無拘繫。日暖風吹袂。垂楊映淺堤。只見山水夾崖。烟林環翠。看茅屋傍疎籬。這溪橋一帶堪留憇。(下)

(北)折桂令(衆)上共徜徉踏徧清溪。遠離紅塵。不受羈縻。伴多少野鶴閒雲。空山落木。虎嘯猿啼。(丑)未此已是竹林中了。各請道遙自在。飲酒賦詩。(合)聽幾人高歌暢飲。憑幾個信筆留題。笑殺那世事如棋。忙不了功名擾攘。喚不醒富貴癡迷。

(南)江兒水(生)上落葉隨風轉。殘霞趁鷺飛。前面一帶竹林好蒼翠也。篔簹一望琅玕翠。(見衆介)味坐幽篁痛飲拚沉醉。知音六

七高賢輩。想就是竹林七賢了。看他瀟洒出群無比。樂志棲遲。使我自慚形穢。

作避介（衆）迂介呀。這分明是石季倫。石季倫呀。你每日長安市上。駟馬高車。怎到此流水橋邊。閒吟獨步。

北雁兒落帶得勝令。你坐擁着綺羅叢錦繡衣。倚偎着翠紅鄉青綠髻。怎不去按新聲列管絃。却獨自走荒郊無車騎。前日與

王愷鬪富。好不快活也。

任珍珠百寶賜輕肥。只恐怕到頭來惹

禍寬。浮生富貴。如夢一般。

覷不破困騰騰蕉鹿幻。醒不到影翩

翩蝶夢飛。

李倫。你也富貴極矣。

奢靡。傾動了洛陽人如沸。知機

怎參透利名關。是與非。

(生)諸公差矣。我石季倫位列公卿。身居宰輔。享榮華。受富貴。分內之事。怕甚麼。

(南)僥僥令公卿登極品。宰輔擅威權。那王愷尚然俯首。貴戚侯門還驚畏。信一代人豪亘古稀。

(北)收江南(鬼呀)。你道是這般榮貴呵。指望著錢鏗福壽與山齊。自古道器滿則欹。月滿則虧。也該急流勇退是便宜。還留戀甚的。還留戀甚的。只恐怕到頭樂極便生悲。

(生)俺待博得個鑄鼎銘鐘。做個非常事業。怎做得閒雲野鶴。冷淡生涯。

(南)園林好。則待勤奇勛。雄圖奮飛。怎肯伴閒雲蕭條徑谿。若待

把榮華拋棄。怎捱得這孤棲。怎捱得這孤棲。(象)古來世事俱寂寞。世上功名安足論。還該三思。(生)列位自道神仙中人。風塵自拔。鎮日搗壺藉草。剪菊栽松。那顧君父之瘡痕。蒼生之血刃。(衆)雖爾蒼生血刃。須知明哲保身。縱然君父瘡痕。也要見機而作。(丑)你不見我劉伶好酒麼。終朝荷鍤相隨。也道是人無百歲。今若不聽我言。只怕你一場沒下梢。那時悔之晚矣。

(北)沽美酒帶太平令。(象)只怕你下場頭還悔遲。下場頭還悔遲。
及今時早見機。把那利鎖名韁快脫離。又道臨崖勒轡。鳥知倦也停飛。打疊起風雲遭際。早覓山林經濟。莫待要流離顛沛。纔尋個收梢末尾。我呵。一時間勸伊諷伊。猛回頭將猶可追。呀。還

要待何時再尋恬退。

(生背介)我有興而來。被他們一番饒舌。使我熱腸冰冷。只索撇了他們去罷。(轉介)重蒙針砭。實切鑄心。即日挂冠。共圖枕石。請了空山猿鶴。堪容隱。滿地烟霞。久避喧。(下)(眾)看他被我們三言兩語。敗興而去了。咳。石季倫。石季倫。你好迷也。我們去罷。

(南清江引)堪嗟碌碌庸庸輩。抵死貪榮利。誰知蝸角迷。苦逐蠅頭細。怎如俺長嘯清風明月裡。(齊下)

第十八折

珠泣

(海棠春)旦上銀屏閒倚雙眉皺。展轉越添潺憊。珠泪濕鮫綃。只

恐東風驟。

穿花宮漏響泠泠。冷露寒侵錦畫屏。殘月羅幃空繞夢。愁眉
強掃遠山青。奴家梁氏綠珠。嫁為石太尉愛妾。朝歌暮舞。撥
雨撩雲。雖然金谷堪誇。只怕彩雲易散。日前與王愷鬪富。擊
碎珊瑚。一時名震洛陽。暗裡必遭嫉妬。常勸太尉拂衣遠避。
奈他官興偏濃。不肯見機。豈是保身之道。咳。看來都是紅顏
薄命。或者數中合受波查。好淒楚人也。

允迴腸。憶遭逢明珠求購。賴提攜金谷悠游。歌衫舞扇銷魂候。
遣伊行多少。閒愁。鴛鴦枕畔欣同夢。翡翠樓中喜並頭。綠輻湊
山盟海誓。天長久。恐朱顏容易悲秋。鶯愁燕恨隨時起。蝶粉蜂

黃一旦休。思量起。雙垂泪。還將向。東人勸。早踏躑。

鴛鴦本是雙棲鳥。菡萏原開並蒂花。紫玉豈忘韓重侶。綠珠甯負季倫家。下

第十九折

遺索

生查子

淨上外太監隨上

天象久埋光。王氣知何在。問罪可興

師。况我天潢派。

孤家趙王倫。見惠帝昏蔽。賈后淫虐。中懷叵測。心起不臣。欲假周公之事。借為新莽之謀。也算我包藏禍心。窺竊神器。但時機未至。豈可妄動。反致惹禍招殃。只有王愷將軍。年紀老成。識見透澈。况兼是我心腹。且待他来商議便了。付丑上恨

小非君子。無毒不丈夫。進見介。淨王君夫孫彥才少禮。你二人看我氣色如何。付丑好。紅紫相間。不日身居九五。南面稱尊。臣等只待呼萬歲矣。淨雖是奉天行詔。必須做勢如破竹。纔是。丑這又何難。大凡外合必須內應。破敵全用伏兵。若吉期已定。王將軍可統甲士。預伏禁中。待早朝時分。大王可親率家將。喊殺入朝。明數帝后之罪。暗置金墉之城。即登寶位。百官自然朝賀也。淨王將軍為何面帶怒色。付不敢瞞大王。那石崇倚富欺人。前日將我御賜珊瑚擊碎。故此怏怏不平。淨怎麼不去奏他。付正在躊躇。丑小臣倒有一計。石崇有一美人。名喚綠珠。大王略知他的美貌。今若遣使到彼索取。如

泰山壓卵。倘有不允。教他禍從天降。淨言之有理。內侍何在。
末扮內侍應上。有。淨你快往石崇家裡去。說奉我令旨。索取
美人。名喚綠珠。立要送來。不可有誤。

催拍。到侯門。宣揚御差。向粧樓搜尋俊才。休恣狼豺。休恣狼豺。
雲鬟偏選。霧鬢輪挨。說我雲鎖高唐。夢繞陽台。末如插翅飛上
瑤階。邀仙子。駕雲來。下

丑阿呀。內侍去了。我還有緊要說話。沒有囑付他。怎麼處。不
要說出孫秀主謀便好。也罷。我如今先去到彼。只做不知。待
內侍到彼。我反從中分理。使彼不致疑心便了。淨有理。計就
月中擒玉兔。謀成日裡捉金烏。各下

第二十折 拒索

醉扶歸(生旦同上)含相攜共踏尋芳徑。則被這晴絲風絮撲人迎。水面翩翩彩鷺輕。枝頭宛轉鶯簧應。胭脂點染倚娉婷。看游蜂粉蝶知春興。

(外院子報上)稟老爺。孫彥才要見。(生)孫彥才幾時不來。為何忽要見我。美人且迴避。着他進來。(旦下)(丑上)附熱趨炎。陰謀毒計。人面獸心。負恩忘義。(進見介)(生)彥才一向貴忙。(丑)王老將軍。老年古怪。時刻不離。偶爾偷閑。忙投恩相。(生)道義之交。也不在此形迹之間。(外報上)稟老爺。趙王差內臣要見。(生)遲疑介。(丑)趙王有甚事體。差內臣到恩相這邊來。(生)請進來。(外)

公公有請。(末上)奉札忙馳金谷澗。開簾妙選玉搔頭。(進見介)
(末)風欽台鼎。遂得登龍。(生)久仰天潢。欣蒙題鳳。請問內使降
臨。有何勅旨。(末)君侯聽稟。我千歲爺呵。

(五枝供)枕鴛斷影。舞鏡鸞空。翠被寒輕。擬求佳粉黛。聘娶態輕
盈。(丑)原來如此。(末)朱樓豈無倚翠屏。侯門別選窺鸞鏡。(生)這也
何難。盡出青衣列。笑逢迎。小環隨選玉亭亭。

院子快傳話後堂。說趙王要選美人。合府侍兒俱要出來聽
選。(末)向內傳。(老旦)小旦淨付扮四女上。(丑)靚粧眉沁綠。羞艷粉
生紅。侍兒們見。(生)青衣環列。但憑選擇。(丑)足見太尉慷慨非
常。(末)逐一前來。

玉肚交(老)合歡雙勝。巧裁成。釵頭意盈。小旦掠新粧。懶貼花鈿。
整青衣。強按銀箏。(付)難道奴家嬌容美。貌不堪。選麼。腰肢一捻。
一種情。龐兒黃瘦相思病。(淨)這般誇口。不識羞。還是奴家生得
好。粉骷髏。妖精現形。鬼夫妻。夜叉有情。(末)不中意。(生)都走進
去。(付)淨各爭。諱下。(丑)如許青衣。擇不出一人。(末)還有一人。未敢
造次。(生)但說何妨。(末)君侯服御多矣。但受命而來。只索綠珠美
人。也未知得一見否。(生)惜介。綠珠是我愛娘。怎麼選起他来。

海棠沉醉。我與他繫赤繩。鴛鴦交頸。鷓鴣並。怎似那分飛鸞鳳。
背水鷓鴣。(末)君侯博通今古。還請三思。畫堂一笑千金。香閨內
百凡三省。(丑)道王忘不體諒了。原祈諒情。莫教怒生。(生)也罷。與

我上復趙王。只說綠珠呵。只辭瘦骨稜稜多病形。

(末)告別了。(生)簡慢了。(丑)只說病體不堪入選。除此之外。任憑

擇選便了。(末)還求慨諾為妙。(生)似覺強人甚難。(下)(丑)趙王面

前。千萬包容。(末)別了。水中難捉月。海底怎撈針。(下)(生)氣上有

這等事。趙王怎麼要起我綠珠美人來。可笑。(丑)不知他從何

得知。忽發此念。如今只是不要理他便了。告別了。(生)多時不

來。略坐何妨。(丑)王將軍不知孫秀到恩相這邊來。恐怕一時

呼喚。故此告便。(生)不送了。(丑)身在吳庭。心在越。不知暮楚况

朝秦。(下)(旦)上趙王之事。奴家曉得了。此必孫秀搬弄。造此奸

計。(生)這也未必。(旦)孫秀奸險小人。趙王豺狼惡獸。必有後患。

倘禍不旋踵。有死而已。

撥棹入江水。嗟薄命。遇豺狼。強指名。倘一朝月缺花殘。倘一朝月缺花殘。猛拚得身隨浪萍。休得感損眉顰。慢惹懨懨愁病。美人同你到樓上。焚香啜茗。消遣悶懷則個。

尾聲樓頭香茗消清興。旦命似風中一葉輕。念但願地久天長永踐盟。

第二十一折

篡位

篡位

丑上黃船插帽平明入。黑綬懸腰暮夜來。我孫秀為着天下大事。黃夜至此。打探軍情。昏天黑地。不知甚麼時候了。丙打五更介。丑譙樓上已。是五鼓。怎還不見動靜。且到朝門看來。

欲圖生富貴。須下死工夫。(下)淨戎裝上衆扮甲士隨上。

(北)醉花陰(淨)只聽得地折天崩泰山倒。橫殺氣雲迷霧罩。披甲
冑。簇弓刀。兩奔控鐵騎咆哮。擁貔貅氣勇如雷暴。也只為尊社
稷。非是俺弄虛驚。須索把露布先馳。齊識得趙王到。

(齊)下馬介(末)外吉服奔上。

(南)畫眉序(外末)曉箭漏聲高。百尺龍樓賊氛繞。(衆)拏住二人介。

(淨)兩人何官。(外)我乃司空張華。(末)我乃僕射裴頡。(合)阿呀趙王

那逆賊。做得好滔天大罪之事。(淨)寡人今日體天行道。怎不準

備鸞輿法駕迎接。反敢罵我。(外末)咳。逆賊。我丹心耿耿。正氣昭

昭。圍安厝磐石山河。甯忍見邱墟廊廟。(淨)若歸附了我。穩保高

官厚祿。何苦自尋死路。外末我張華裴頠。是不怕死的。銅肝鐵
胆。惟忠孝。逆賊呵。只怕你萬古臭名難保。

(淨)不從也罷。反肆罵孤家。拏去砍了。(拏二人殺下)

(北喜遷鶯)俺不是鴟鴞惡鳥。只待要振乾綱為國効勞。心也
麼焦。越覺得憂心悄悄。已到午門朝外。着一枝人馬。先入朝者。

(三樵應下)便擁纛前驅早入朝。休羅嗅。顧不得金甌破損也。
莫管玉軸摧搖。

(南滴漏子)付奔上。驚人的。驚人的。午門鬧吵。忙趨向。忙趨向。趙
王拜倒。入朝即加尊號。香烟繞建章。群臣賀表。我的拜相封侯
都在這遭。

臣王愷見駕。願吾王萬歲萬萬歲。(淨)掖廷內應。卿之力也。賜卿平身。(付)恭請聖駕。早入端門。隨御太極殿。即皇帝位。羣臣朝見便了。

(北)出隊子。(淨)非是俺豺狼凶暴。都只為廟謨艱。國柄搖。看玉階仙仗沸如潮。(內哭介)只聽那六院三宮齊叫。呀。一霎兒怎得把欖槍埽。

(二)襍執(丑)(丑)住了。怎麼把寡人這般奚落。

(南)滴滴金。我在鮫綃錦帳交歡妙。怎把我剩雨殘雲驚散了。趙玉寡人與你有兄弟之情。怎麼一朝骨肉相殘至此。痛鵲鴿萬人遺誚。恁傷殘成懊惱。(淨)我但知有社稷。不知有兄弟。只問你

華林園可再聽蝦蟆聲麼。丑空園夜悄。叩公私乍時昏未曉。淨
百姓饑荒。怎得肉糜食也。丑只為肉糜一語。動此干戈。竟來奪
我皇帝做了。哭介歎骨肉自殘。好叫我撲簌簌泪拋。

淨如今遷在金墉城內。仍加尊號為太上皇便了。甲士快扶
太上皇。到金墉城內去。二禡扶丑下

北刮地風。淨呀。俺不為新都侯。將平帝拋。還不為孝獻根苗。九
天門法駕乘輿到。肯惜着萬姓號淘。也不怕萬方潦倒。好一似
攪海神蛟。俺只聽環珮行賀聖朝。肅駕行夾道。千萬載望明堂
將宗社祧也。非俺恣憑陵把宮殿飄搖。

南鮑老催。二禡執小旦上小旦鳳釵滑倒。芙蓉帳裡春寒悄。鴛

鴛枕上濃香繞。(見淨介)趙王你那逆賊。你要矯詔廢皇后麼。(淨)你私通程璩。豈是國母所為。(小旦)這是浪傳言。誰人見。休輕誚。(淨)好不羞。還要強辯。只是毒殺懷愍太子。戰墮宮人之胎。使司馬家兒覆宗絕嗣。這罪也不小。(小旦)毒殺懷愍太子。戰墮宮人之胎。也是你奸計。毒謀暗害儲君少。宮娥誤擊懷胎掉。怎把我來推却。

(淨)太上皇有旨。賈后罪犯不赦。將金屑美酒。賜之自盡。甲士速請娘娘自裁。(二禰扶小旦下)(付)請就此御太極殿。行禪讓禮。早正大位。以告天下。(淨)換帝服。平天冠。登殿介。

(北四門子)(淨)袞龍衣一朶紅雲罩。看看看香風合殿飄。響鳴梢。

雷驚和電掃。不是俺蹂躪皇朝。怕神驚動搖。廟堂暫叨。滿朝誰
敢輕違拗。鳩居鵲巢。李還代桃。呀。早一派鷓鴣班環繞。

王將軍速將矯詔。頒示群臣。(付)領旨。滿朝文武。大小官員。跪
聽。太上皇有旨。勅下六部群臣。朕以藐躬涼德。無能總理萬
幾。今禪位趙王。爾等群臣。速進皇帝璽綬。勸登寶位。戮力同
心。匡襄朝政。首功諸臣。賜爵列侯。違者定誅三族。(內謝介)末
丑急上

(南)雙聲子(末)丑 驚喧鬧。驚喧鬧。瞻金闕。頒新詔。忙奔到。忙奔到。

迎新駕。圖榮耀。聽布告。爭舞蹈。待褒封。蔭襲。世世歡樂。

(俯伏介)丑 孫秀見駕。(末)內侍見駕。願吾皇萬歲。(淨)二人來了。

麼。綠珠美人。事體如何。末丑他堅執不允。如咬釘嚼鐵一般。故意將侍婢多人。任奴婢選擇。說起綠珠。便爾拂然拒絕。淨怒介石崇這廝。敢有幾個頭兒麼。

丑水仙子呀呀呀。恁使刁。蠢蠢蠢恃着怒臂當車。禍自招。俺俺俺本是創業新朝。怎怎怎容你權臣違拗。看看看身膏斧鉞。莽難逃。很很很將一筆勾消。管管管教那釜底游魂喪一朝。覷覷覷着那天羅地網。身籠罩。笑笑笑煞你何用口噤噤。

快遣車騎。速拿石崇。發下廷尉。勘問擬罪便了。丑陛下不須如此。今日初擁神器。若為一女子。處置大臣。各官聞之。必然駭聽。誹議就起。况日子正長。何不稍緩幾日。等他知過不改。

然後下手未遲。(淨言之有理。孫秀有擁立之功。宜加不次之擢。拜為侍中。位列上卿。王將軍內應功高。拜為散騎常侍。各賜金貂蟒玉。付丑謝恩。)(淨孫侍中聽旨。寡人初登大位。恐民心未服。卿可暗遣心腹。私行密訪。倘有不軌之臣。密奏朕躬。以便處究。)(丑領旨。)

煞尾。虧着你擁戴鸞輿。裁新詔。握乾符。永保堅牢。但願千萬載皇圖安固好。(齊下)

第二十二折 謀洩

一江風(生便服上。襟院子執燈隨上。)兩眉攢。輾轉愁腸絆。危如冰泮。只為趙王篡位。劫遷天子。虐害中宮。心中甚是不忿。况兼

索綠珠不得遂意。觸怒已深。誠恐遭其毒手。如今用先發制人之術。黃夜往齊王府中。勸他移檄河間王顥。成都王穎。各起義師進討。倘能攢亂反正。惠帝還朝。上建奇勳。下弭私患。豈不兩全。掃潢池雪耻除凶。義討嚴霜斷。心頭事兩端。胸中恨一般。若得靖妖氛。看玉殿重巍煥。(下)

(丑)上我本無心求富貴。一朝平步上青天。下官侍中孫秀。奉新天子密旨。道禪位已來。恐人心未服。着我採訪輿情。倘有風吹草動。即便密奏聖上。為此微服潛行。來此乃是三叉路口。那邊隱隱有燈。不知是何人。此間有所古廟。待我閃在其旁。聽他說些甚麼。看是何人便了。要知心腹事。須聽口中言。

(虛下)末扮齊王便服襍執燈隨上

(前腔)末恨漫漫。歎息朝綱外。寸磔難逃竄。我齊王因為趙王篡

位。心甚不平。欲約成都河間二王。合兵進討。趁此黑夜。微服前

往。密商起兵之事。逆賊呵逆賊。管教他魍魎鴟鴞。獻馘彤廷畔。

星光暗紫垣。星光暗紫垣。陰霾承露盤。(生上)怒冲冲也只為殲

危亂。

(遇介)原来是齊王千歲。(末)原来是太尉。(生)黑夜何往。(末)敢問

太尉何往。(生)不語介。(末)我的心事與你的心事一般。(生)此非

講話之所。前面有所古廟。同去密商如何。(行介)此間已是。同

進介。(生)院子。閉上廟門。(院)閉介。(生)千歲千歲。國事如此。我等

安能久享富貴。

憶鶯兒心事剗。難放寬。破損金甌怎再完。雀齒爭墉。怎自瞞。天朝禍攢。金墉痛酸。神人共憤肝腸斷。恨千般。普天忠憤。只等士桓桓。

末我正要與河間成都二王商議起兵。生愚意也是如此。但不可遲了。

前腔。末歎蚌端。心未寬。與子同仇似箭攢。管不得屈曲羊腸路。幾盤待看朝堂改觀。臣僚叙歡。赤馬銅亭皆逃竄。肯盤桓。敵王所愾。重整舊衣冠。

生不可洩漏。末這回仗劍誅逆賊。提戈秣馬復神州。別各下。

(丑上)嚇殺我也。嚇殺我也。我方纔見三义路口。兩燈相遇。即往古廟密商。我悄悄握身細聽。原來石崇那廝。攬撥齊王。移檄河間成都二王。共起義兵征討。早是我聽見。不然險些誤了大事。不免密奏聖上便了。

雙勸酒。齊王很心。思量謀叛。石崇匪人。潜倡圖亂。顯見得禍來天半。教人嚇做糟團。(急下)

第二十三折 墮樓

梧桐樹犯。(生旦同上二侍女隨上)連宵睡欠濃。覺得添愁恐。相

對淒然。惱亂多情種。(生)趙王篡位。來索美人。未遂渠願。連宵夢

寐不甯。心驚眼跳。知彼銜恨必深。我之禍不旋踵矣。堪嗟富貴

如春夢。(旦)吉凶禍福。有命在天。太尉不須憂慮。凡事從天判。吉凶。(生)到此光景。只覺兒女情深耳。(合)情深不盡恩和寵。只恐百種柔腸。盡把愁來千種。

(旦)奴家特設一宴。與太尉解悶。快請登樓則個。(生)如此生受美人。欲窮千里目。更上一層樓。看酒來。(老)貼應介。

(生)為國事担煩受恐。相看總是愁容。你傾城絕代堪怜。難道盡付東風。朦朧殷勤翠袖。捧金鍾也難却愁為酒中。(合)且聯來同夢。樓中喧笑。倚翠偎紅。

(前腔)(旦)多感得東君情重。藏來金屋香叢。好長諧並蒂連枝。那愁他橫雨狂風。情濃哀腸百結。死生同。須暫撇悶懷心孔。(合)前

不是路(末急上)天降灾凶。大禍彌天殺氣冲。老爺不好了。禍事

到了。軍聲闐。旌旂蔽日卷長虹。(生旦驚介)那里来的兵馬。(末)是

趙王遣孫秀領了五千鐵騎。將一座金谷園。團團圍住。口稱先

取綠珠。後將老爺掣下。一重重。金谷園密扎如鐵桶。捷騎騰騰

吼似龍。(生旦)灾殃重。上天入地難尋縫。肯容輕縱。肯容輕縱。

(丑)披挂領衆上圍下。(生)蒼天蒼天。我石季倫怎便有今日也。

罵玉郎。一旦豪華總是空。霧釋冰消處。怨氣冲。梨花杏雨更誰

同。(金鼓介)聽泅泅。恰正是電掣雷轟。緊圍將數重。緊圍將數重。

可怜有路難通。我那美人呵。歎明珠掌中。歎明珠掌中。賺得他

狂風相送。閃得我情緣如夢。趙王呵趙王。你須是切齒深仇。你

須是切齒深仇。一朝翻做。狹路相逢。搗吾巢。不留情。殺盡雌雄。
細推詳。恁前生。冤深不共。

(丑衆又圍上)(丑)叫衆將官。將金谷園團團圍住者。單留綠珠
美人。其餘男婦盡拏下。(生)我今為你得罪趙王。奈何奈何。(旦)
妾當效死於君前便了。(生)美人若有此心。不枉石崇一場恩
愛也。

(前腔)(旦)玉軟香消睡欠慵。好似萍隨浪絮逐風。一朝禍及兩飄
蓬。恨重重。一霎裡汗透酥胸。(丑)綠珠美人那里。(旦)聽聲聲叫僕。
好教人劃損芳容。(丑)不要驚壞了美人。(生)(旦)擺花枝驟風。擺花
枝驟風。若與他鴛衾抱擁。拚得個泉台相送。(旦)太尉請上。受妾

一拜。受君家恩愛多年。受君家恩愛多年。生離腸斷。死別情濃。
喊聲高。振蒼穹。不死何從。罷罷。猛拚得。墜樓前。肯負主人恩重。
作跳樓下。丑打進去。進見旦介呀。不好了。綠珠美人自盡了。
好一個貞姬也。衆將官。專為綠珠而來。不想他墜樓而死了。
左右。且將石崇拏下來。將金谷園前後封鎖。不許走漏一絲
一粒。違者軍法從事。衆應拏生見丑介生呀。孫秀這賊。你好
負心也。

尾歎流離。遭胡弄。阿呀。美人呀。可惜你芳容從此逐東風。可歎

死別生離一夢同。齊下

點絳脣外上黃道烟迷。紫垣風細。金門裡鷓鴣班齊。花萼鳴環佩。

下官晉朝黃門官是也。今奉旨免朝。怕有百官奏事。只得在此伺候。小生劉琨上襍長班執斧隨上。小生強項趨朝胆氣粗。深恩只合報頭顱。披肝久向龍鱗逆。恩怨分明大丈夫。俺劉琨。蒙石太尉提攜。累遷散騎郎之職。奈因太尉罪至典刑。欽派下官監斬。我想太尉當初在王愷家中。救我性命。我今日不去救他。反去斬他。於心何忍。今特免冠荷斧。哭訴朝廷。情願代死。倘不准奏。拚得碎首彤墀。以表劉琨不忘大德。除冠荷斧介。襍暗下。咳。劉琨呵。

(北粉蝶兒) 髡髻鬚眉。擲却了進賢冠。身膺着斧鑕。咱只為大德難虧。斧頭顱。真面目。猛拚得丹心化碧。碎首彤墀。肯負那再生恩義。

(外) 來者何官。就此俯伏。(小生) 臣散騎郎劉琨。誠惶誠恐。稽首頓首。(外) 為何免冠荷斧。(小生) 臣冒死抗疏。倘犯天威。甘伏斧鑕。(外) 有何文表。就此披宣。

(石榴花) (小生) 劉琨的拚生赴闕犯天威。那里是強項扣彤墀。只為那重生父母。骨肉遭糜。石崇多罪戾。國法顯芟夷。霎地裡木囊頭。廟廊中缺了公卿位。臣蒙他活命。微軀甘替。因此上訴朝端。因此上訴朝端。報當時恩和義。端的是九死已如飴。

外劉琨蒙石崇救命是私恩。太尉典刑。懸諸國法。替死一節。怎的施行。

鬪鶴鷄小生救臣軀雖是私恩。救臣軀雖是私恩。豈不容成仁取義。但今朝國法難干。又奈當初寸心不昧。我誓死捐軀。怎執迷。猛可代滄刀。甘心血濺衣。免他遭三木無情。免他遭三木無情。不負却九霄恩義。

外拚生報德。足見忠義之心。但國法王章。豈報私恩之地。不必再奏。小生阿呀。聖上阿。外禁聲。此非哭泣之所。小生若不。容臣代死呵。

撲燈蛾斷肝腸。洪恩怎虧負。鑄肺腑甘心受顛沛。奇男子誓立

身軀喪。觸殿階甯嗟一斃。願今日伏誅暴骨。望紫禁垂慈轉禍。危求斷首哀哀哭訴。鑒愚衷受恩處。死共追尋。

(外)聖旨道來。誅戮除凶。朝廷之大典。散騎郎劉琨。強以私恩。冒請代死。大干憲典。本應重處。姑念思恩報恩。可愧負心一輩。免其罪戮。革職還籍。其監斬石崇。另差散騎常侍王愷。速正典刑。獻俘回奏。謝恩。(小生)謝恩哭介。(外)天顏咫尺。不許啼哭。退班。(下)(小生)咳。太尉。我今日有恩不報。非大丈夫也。真愧死了。(襖上)老爺險些弄出事來。(小生)我今奉旨革職。快與卸。下朝服。(卸衣換帽介)我今速赴市曹。永訣一番。入山修靜去也。

鯨尾忠心扼腕皆悲涕。枉却陳丹陛。瀝血總歸空。碎首成何濟。
只索聽松風。嘯傲烟霞裡。(下)

第二十五折

戒酒

風入松(貼)上坤儀婦道守家門。有事心頭常忖。見夫麩藥多勞。
頓將苦諫銜杯致損。又恐怕言詞欠溫。愁脉脉。悶昏昏。

妾身呂氏。夫主劉伶。天生放逸。縱酒昏酣。生產不謀。提壺自
喜。終朝痛飲。必致傷生。欲苦諫一番。奈他賦性疎狂。縱然勸
他。也不肯聽。如何是好。正是。不如意事常八九。可與人言無
二三。(丑)劉伶淨執鋤提壺上。

前腔(丑)終朝豪飲自醺醺。說甚麼長鯨吸吻。壚頭又早開新醞。

一霎裡囊空暫窘。咱家劉伶。字伯倫。今早友人招飲。未能盡興。不免回去。與娘子索取。且急返謀諸婦人。情戚戚。意慙慙。

進見介。貼官人回來了。今日回來。略無酒意。恭喜恭喜。丑。只為無酒。故特回來。與娘子索取。小旦官人差矣。啣杯乃伐性之斧斤。痛飲是傷生之狂藥。所以古人痛懲沉湎。切戒酣歌。古詩云。酒通血脉。厚腸胃。驅風發怒。大扶肝。滋陰避惡。養脾氣。痛飲傷人。損壽元。便是孔聖人也。道個不為酒困。又道是惟酒無量不及亂。你終朝嗜酒。不惜身軀。只恐酒毒大過腐腸爛胃。為害不小。還該速戒為是。你聽我道來。

駐馬聽。耗損精神。伐性傷生。巨斧斤。歎經年挈榼。盡日提壺。半

日攜樽。醜醜總脫是非門。濁醪却把真元困。如今再不節飲呵。
定滅靈根。膏肓病入有誰憐。

〔丑背介〕這癡婦人又來絮聒了。我正在渴飲。他倒勸我戒飲。不免將機就計。掇賺他一番。〔轉介〕娘子。你勸我戒酒。真乃伉儷情深。休戚相關。若非惜我身軀。焉能如此痛切。但戒酒一事。不比尋常。

〔前腔〕須要拜告神明。立誓昭彰發願文。必要犧牲肥脂。酒醴馨香。裸獻殷勤。今生斷却甕頭春。不為酒困遵師訓。〔小旦原來要神前立誓麼。〕〔丑〕謝爾諄諄。至情相愛。所言須允。

〔貼〕既如此。何不早說。那牲醴祭獻之物。立刻就有。蒼頭隨我。

進來。暫下。(丑笑介)天下有這癡呆的婦人。我劉伶一生好酒。豈為婦人之言。斷却半生所好。待他出來。我自有個道理。(貼)淨上有了。祭物一應完備了。蒼頭點起香燭。待官人立誓。淨應介。(丑)神明在上。我劉伶呵。

(馬雲飛)沛國狂民。性好三杯。石凍春。賢聞忠言進。苦諫辭佳醞。啖拜告向靈神。恪遵閨訓。(貼)須要發個呪兒。(丑)若是再吃酒呵。

定惹灾瘟。上有雷霆震。我自今以後。涓滴從今不到唇。

(貼)發的好誓。如今纔是個丈夫。(丑)還有祝文。謹當宣讀。其詞

曰。天生劉伶。以酒為名。一飲一斛。五斗解醒。忽然而醉。恍然而醒。婦人之言。切不可聽。癡女子走開。急坐神桌大飲介。(貼)

這是怎麼說。

前腔。納款投誠。忽爾狂奴故態萌。丑吃介婦人之言。慎不可聽。

貼計誘壺觴進。恣爾貪饕盡。嗟。饞口自流津。將妻繫囚。丑吃介

婦人之言。慎勿可聽。貼你不聽我也罷。反哄我費了許多錢鈔。

掇賺妻兒。男子言無信。青天白日遇醉鬼。醉死誰來招你魂。

我本將心托明月。誰知博得一場空。貼下丑亂吃介騙得他

快活。吃得我燥脾。淨急上一心忙似箭。兩脚走如飛。爺報你

一段新聞。丑甚麼事。淨石太尉今日綁往市曹處斬了。丑怎

麼說。

撲燈蛾。淨街坊多駭聞。街坊多駭聞。石太尉橫羅刃。頃刻判幽

冥。赴法雲陽將近也。殘生速隕。觀者奔騰擁如雲。向東人特來報信。可憐他榮華富貴盡浮塵。

〔丑哭介〕我那石太尉呵。當時不聽我言。致有今日。蒼頭你快攜酒一壺。隨我到法場上去。與他面決一番。〔淨應介〕帶罪人前腔。〔丑〕攜酒壺。驟出門。攜酒壺。驟出門。咽向喉間噴一尊。永別離。聊表心中一寸也。〔哭介〕終天抱恨。縱然昏醉也消魂。攢前途難熬困頓。却憐他陶朱不竄五湖身。〔下〕

第二十六折

市曹

〔霜天曉角〕〔付王愷上〕石崇遭難。簇擁人千萬。

老夫王愷。今日奉旨監斬石崇。好笑那狗頭。恰好又犯在老

夫手裡。叫左右。時辰將到。快綁石崇上來。(二禳押生上)

(山坡羊)(生)恨重重。雄心虛幻。冷颼颼。熱腸冰炭。亂轟轟。雷掣雷

崩。杳冥冥。一夢何時旦。(付)石太尉請了。你富貴非常。不知也有

今日。可能到上林苑。鬪寶麼。(生)顛沛間前嫌怎不利。(付)承賜珊

瑚。至今藏好。(生)無花寶樹成奇患。(付)那些珍寶。可都在麼。(生)徑

寸明珠也是閒。(付)綠珠美人無恙否。(生)雲環掌中珍怎破顏。(付)

資財實為禍胎。何不早散。(生)鐵山帚中金怎破慳。

(梧葉兒)(小生奔上)雲陽市。鬼門關。忙速上。泪潜潜。阿呀太尉爺

呵。苦殺你拘囚手足。模糊泪眼。(付)法場上何人。(蘧)劉參軍。(付)來

的好。他當初救你。你如今也救他一救麼。(小生)咳。我劉琨何惜

一死。只恨無濟於事。(生)你一片忠義。我也見了。去罷。下生哭拜
介。劉琨。今生不能報你了。哭別深恩。隨赶到黃泉未晚。(襍)扯小
生下

水紅花。(丑)醉淨扶上。醺醺赶到斷腸關。痛摧肝。悲號無限。石季

倫在那里。(淨)跪的就是。(丑)見介。呀。我那石季倫呵。(付)法場上何

人。(襍)是醉劉伶。(付)來的好。你今日怎學得醉劉伶。由他要樂一

番。(丑)季倫。季倫。你道富貴功名。沒有盡頭日子麼。當初勸你急

流勇退。你却迷戀不休。到此地位。急流勇退。覓安閑。怎便到今

番。一家星散。我今攜酒一壺。特來奠別。蒼頭取酒來。我與石老

爺對飲。(生)我氣急填胸。那里吃得下。(丑)咳。可伶可伶。我劉伶也

道是浮生如夢。故終朝荷鍤相隨。倘一朝醉死。就隨地埋我。但願百年之後。我身化為泥土。作一酒器。吾願足矣。那曉得你貪財好利。不聽那竹林中七人的言語。今日致如此結果。(生)當初不聽君言。今悔之晚矣。(丑)我且問你。你那金谷園在那里。綠珠美人在那里。擊碎珊瑚的鐵如意在那里。那時若早見機。退居林下。也決不至此。早若優游泉石。也不見血染泪斑斑。我看起來。你字季倫。我字伯倫。合是兄弟。你是財星。我是酒星。也合是兄弟。只是你今餐刀飲血。我却食肉飲酒。這就大相懸隔了。鄧通枉教鑄錢也囉。

(付)快赶下去。(襍)赶丑淨扶下。(襍)稟老爺。時辰已到。(付)住了。我

與他曾相與一番。何忍近視他斬首。咳也罷。叫左右押到前面。離三箭之地。開刀便了。(衆應介)生阿呀。蒼天蒼天。我石崇怎便有今日也。(二禱押生下)

(付)今日裡結完富貴功名案。只落得一文不到破錢山。(丙掌號播鼓介)呀。好苦也。這的是宰輔公卿作等閒。(下)

第二十七折 歸舟

(縷縷金)生急跌上桃花血。染吳鉤。一靈逃竄也。急奔投。(跌復起)走介顛蹶。心慌亂羊腸疾走。我石太尉。綁赴法場。虧我逃走得快。不曾受此一刀。走得氣吼。那里躲一躲便好。這崎嶇古道敢遲留。不堪再回首。不堪再回首。

(付領眾赶上)法場上走了人了。快赶上。去。(趕轉下)(生暗上)駭死我也。駭死我也。且喜追我不上。不免再攢上去。

(前腔)逃誅戮。脫斧囚。殘生得竄也。命應留。何處藏身好。祈天默佑。前面白茫茫一派大水。這滔天巨浪閃驚眸。茫茫白雲藪。茫茫白雲藪。

來此灘頭。且喜蘆葦甚密。不免鑽進去。咦好了。幸喜蘆葦中。有一隻小船在此。不免跳上船去。撐在大洋。那怕他追兵到來。(上船)作風浪聲。驚介。下得船來。好大風浪也。

(六么令)狂飈驚驟。趁逐洪波。輕放中流。且喜風浪略緩。不知行到那里了。咦。恰好舟中。又有漁蓑箬笠在此。不免穿戴起來。扮

做漁人模樣。就是追兵到來。他那里還認得我是石太尉。(穿戴介)孤舟箬笠。算沙鷗。憑追捕。怎搜求。(內作大風介)不好了。這風浪越發大了。波濤洶湧。船驚覆。(內作濤湧翻船跌介)(徐醒介)

不好了。(起作撞牆上介)呀。這一座高牆。乃是支法師將竹葉作舟。指引我的去路。我今依先原在此間。咳。不道這牆中有許多世界。且住。我方纔乘棹的小舟。那里去了。(看地介)呀。原來是一片竹葉兒。好奇怪也。

鎖南枝(小生挑柴上)依樵徑。過嶺頭。斜陽漸入怎逗遛。(生)呀。這是同來的樵夫。(小生)原來你還此候我麼。望斷你雙眸。悶無聊閒拖逗。怎麼上山。去得如此良久。(小生)我原說趁此夕陽。担柴

下來與你再會。並不多時。將樵薪負下碧邱。與你漫遨游。再窮究。

(生)咳。樵夫自你別後。我恍然一夢。却生死窮通了不得。(小生)原來你做了甚麼夢麼。請道其詳。(各坐地介)(生)樵夫去後。見一老僧。與他閒談半晌。真個是言言覺路。句句慈航。以後教我站在竹葉兒上。忽爾老僧悠然不見。

(前腔)只見這牆為海。竹作舟。到龍宮海藏恣意游。(小生)怎麼就到龍宮裡去。(生)那龍王因我放他三太子。邀我入宮。把琥珀泛

金甌。將奇珍贈漁叟。那時尋歸棹。入仕流。這繁華世罕有。(小生)做了官了。(生)那時我門下有一人名喚孫秀。託他覓一美人。名

喚綠珠真個姿容絕世。嬌艷驚人。我將珠三斛。把姻事求。好名園貯之期白首。

(小生)你好得意呵。(生)還有得意的呢。

(前腔)膺簪紱。擁節旂。功名三十封列侯。出將統貔貅。入相金塔走。那時有一王愷。與我鬪富。他却鬪我不過。我便揚揚得意。他却懷恨在心。就想剗我綠珠。籍我家產。為誇生富。結死仇。到下场頭。虧我走得溜。

(小生)歎介好了。漁人幻夢已破了。師父有請。

(前腔)(外)人天路。何處求。山河大地萬火牛。小生師父漁人幻夢已醒了。(外)來得好快。我在法堂入定。纔是一刹那間。你却終身

結果了。早是下場頭。件件都消受。(生)舟中一去。好不快心。(外)你癡想人間富貴。如今可勾你了。(生)富貴忒嫌過頭了些。只是下場頭乞丐也不如。犬馬也不若。忒怕人些。(外)我原說功名富貴。不是好迷戀的。如今見畫壁因由。可以喚醒世人癡夢。千鍾祿。萬戶侯。難免你下梢時。多儼懋。

你如今利名還肯斷否。(生)只為一時癡想。直弄到死別生離。食刀飲血。盡諸惡趣。還說甚麼利名。(外)你待怎麼。(生)願隨師父。(外)生好也。漁人得渡了。我這担山柴。做不得刮火燒空之用。竟挑到香積廚中去也。(下)(外)隨我到法堂中来。(行介)

(掉角兒序)鐵蒲團猛省因由。碧琉璃早尋根究。墜輪迴萬劫懸

殊。到清涼三空不謬。埽罡風。除孽火。望雷音。崇甘露。遙聞獅吼。
(生合)靈山現眸。慈航現舟。早準備醍醐灌頂。熱消涼透。(下)

第二十八折

証果

(浪淘沙)付上法力廣無邊。一剎那間。榮華富貴總徒然。堪笑世人癡夢也。覺醒依然。

小僧本空。自從師父同歸道林法師。誓願有年。參無上諦。且喜新度一弟子。渤海石崇。法名無相。離諸煩惱。了悟無生。不久定成正果。今日師父入定。無相也該打破揆子了。不免喚他出來。無相何在。(生上)投身蓮宇維摩榻。回首烟波萬里船。師父稽首。(付)苦海慈航急尋彼岸。你須一心禪寂者。(生)謹依

師訓。付我娑羅樹下打坐片時就來。松際孤雲巢鵲鶴。桐陰
芳樹長旃檀。下生跌坐介我想不二法門。真好清涼自在也。
園林好住招提。如來儼然。望雷音阿羅不見。聽盡了三乘開演。
尋覺路訪迷川。登彼岸擁金蓮。呀你看一切孽障根本。未悉消
除也。末扮龍王三太子上。

嘉慶子想挂鱗罟網。尤驚戰。更感沐重生。把大德鎬。忙赶到清
虛宮殿。漁人請了。我乃龍宮三太子。感你活命之恩。奉父王之
命。請你到龍宮海藏。還有重寶相謝。呀竟全然不保。他既不保
我。不免回宮去罷。圖頂踵報恩天。遭冷落。報前緣。下

生阿彌陀佛。丑蟒服上。

尹令思昔日噓培恩眷。怎變做深仇闊怨。下官侍中孫秀。雖因石太尉提攜。得有今日。也只索做個負心人了。背德如風飄霰。
望見生介那是石太尉。原來也入在空門了。不免閃過去罷。
覆載深恩。撇在東洋大海邊。
下生又念佛介。
小生快裝上。

品令深恩負却。似魚得已忘筌。人皆背德。何獨我留連。自家劉琨官為散騎郎。為感石太尉活命之恩。上疏代死。竟遭貶斥。赤

心乞免。反遭刑庭譴。因此我也顧不得了。人情參透。都是反思成怨。太尉請了。非是我負心。只是前程有路。各人自去。你也怪不得我。告別了。各奔前程。總為名纒利鎖牽。
下生念佛介。
付蟒

服上

(豆葉黃)歎人生如夢。隙影駒遷。鎮日裡趕利驅名。眼忽看蒙誅
遭譴。老夫王愷。為與石季倫鬪寶。擊碎珊瑚。做了死對頭。竟送
了他一命。頭囊三木。魂歸九泉。我心中甚是不安。須索去請罪
則個。(見生介)石季倫老夫在此。(揖介)是我不是。害了你了。今日
特來請罪。聊當個負荆肉袒。聊當個負荆肉袒。(又揖介)呀。只是
不理。我曉得切齒之恨了。改日再來請罪罷。歎嚼齒穿齦。做不
共深寬。(下)(生)又念佛介。(小旦)艷服從人托寶上。

(玉交枝)蜂愁蝶怨。痛生離似分飛彩鸞。奴家自從墮樓之後。日
夜思量太尉。上帝怜我守節而死。特賜還魂。今聞他身在沙門。
且去看他。(見生哭介)太尉爺呵。啼痕界破殘粧面。到此處纔能

相見。有天大的喜事報你。你可知道麼。如今惠帝復祚。趙王伏誅。孫秀受俘。王愷籍沒。天子怜你無辜。復還原職。一應所籍家產。盡數賜還。快與我同去享榮華也。香魂返歸金谷園。嬌喉重按桃花扇。太尉快去。呀。只是不係原來恩斷義絕了。呸。斷頭香難續舊緣。並頭蓮何日再妍。下生念佛介

六么令外小生上諸魔歷徧。點化紅爐。法力無邊。頭頂清涼否。生起坐介諸魔盡退也。外萬劫輪迴。不到六根清淨。輪迴萬劫

隔天淵。清淨理。奉金仙。凡遇宰官身者。俱當作如是觀。宰官說法金身現。宰官說法金身現。

丙奏樂介祥雲縹渺。天樂鏗鏘。想正果已完。慈航來渡也。四

雲從引貼善才小生韋馱小旦龍女老旦觀音各上高台念
詔介老法旨已到。諦聽開讀。釋迦如來曰。百千法門。路接寶
蓮淨土。無量妙義。心通極樂天宮。茲爾支遁。了悟無生。示人
幻夢。弟子王質。採樵指引。普度癡迷。漁人石崇。參透死生。皈
依法寶。悉心善覺。歷盡諸魔。今加支遁寶號。位証比丘。王質
身居法勝。石崇進登蓮座。各賜袈裟拂子。隨侍世尊。引到梵
宮。共成正果。善哉。眾善哉善哉。老開示已完。諸弟子。隨我早
駕祥雲。同歸極樂者。

川撥棹 眾祥雲現。盡騰空如駕輦。仗風吹迦葉山前。仗風吹迦
葉山前。海潮音三千大千。猛回頭。彼岸遷。証菩提。自在天。

尾功名富貴休迷戀。看利害關頭盡悚然。從今後勸醒奪利爭
名心早轉。(齊下)